

7pm - 7am

19^t /MB

TELIKOM PNG
Kuwit Mera

**ENJOY FASTEST
INTERNET SPEED**

24/7 Customer Care: Call 345 8789 or www.telikompng.com.pg

Mama Merolyn em i trupela meri...



EM i nogat ol pinga long tupela han bilong em, na tu lep lek bilong em i sot, tasol turangu mama Merolyn Andrew (long poto) bilong Kawaina hauslain long Obura/Wonenara distrik long Isten Hailans i gat bikpela laik long lainim na kisim skul long samap. Na ol Mercy Works Sisters long Goroka i kisim na trenim long somap. Na em i gat bikpela laik tu long mama long wanpela somap masin. *Poto: Sape Metta.*

Moa stori long pes 2...

■ **Rausim sik Tetanus spesol insait - P8,9,10,19,20,21**

■ **Brukim graun long nupela tuna fektori - P24**

**BIKPLA TOP UP
PROMOSEN TRU
BLO PNG**

Taim you Top Up wantaim K2 o moa, bai you kaim anen long go insait long wanpela laik draw la waim 1pla blo Bika Land Cruisers na tu go bai go insait long draw la sharen ol prizes map long K1 million moa moa.

DIGICEL SUPER 8

WINNAN WANPELA LAND CRUISER TO GETA WIT MAP LONG 1PLA WIT.

WANTAIM K1 MILLION TOP UP LO GIVEAWAY

Digicel

Terms and conditions apply. Promotion is from May 13 to July 31. Prepaid Customers earn unique entries for topping up with a minimum of K2 and will qualify for the next day's draw for Free Call & SMS Credits. Top ups should be made between 00:00H Wednesday to 23:59H Tuesday of each week to qualify for the Land Cruiser draw on the following Wednesday. All entries expire at 00:00H every Wednesday (beginning May 22). Customers need to top up again to qualify for the next Land Cruiser draw. To check entries, dial *140#. For the complete Terms & Conditions, please refer to Digicel website www.digicelpng.com.

Painim CASH MONI bilong yu insait long Botol Oil

"Painim CASH MONI insait long ol GLOBE na SITA Kukkin Oil Botol"

Na kamap Wanpela LAKI WINA NAU!

Sapos yu painim displa ol CASH Moni:

K1000	K500	K100
K1,000	K500	K100
K50	K10	SITA 250ml
K50	K10	Tri SITA 250 ml Botol

"Insait long lid" bihain yu rausim sil. Go kisim CASH MONI bilong yu long Globe dealer or kolim Globe Hotline 422 3066

GLOBE

Tetupa kiamas long PNG

Wanwan provins bai kisim 600 moa sekendri sumatin

Stanley Nondol i raitim

BIKEPela namba bilong ol sumatin i pinisim gred 8, na 10 i no kisim spes long surukim skul lainim bilong ol na Edukesen Minista James Marape i salensim ol provinsel gavana long wanwan provins long kamapim 600 moa spes, stat long 2013.

Minista Marape, long bikpela miting bilong ol provinsel gavana, administreta, na edukesen advaisa, wantaim ol sinia memba bilong edukesen na gavman long Mosbi, tok olsem gavman putim fri edukesen tasol planti skul pikinini stap aut yet na tok em i tok nau em taim long wanwan provins long wok hat long bildim moa skul na apim mak bilong skul i go antap long givim sans long ol pikinini long skul i go inap long gred 12.

Planti ol hetman bilong provins olsem provinsel Edukesen Advaisa na Gavana tokaut olsem planti sumatin kisim gutpela

mak, tasol nogat inap spes long skul, olsem na ol dispela sumatin stap aut.

Dispela em namba wan miting namel long Gavana, PAs, PEAs, na sinia menesa bilong NDoE na minista na vais minista bilong edukesen long lukluk het na stretim ron bilong sekendari edukesen long kantri.

Minista Marape tok i gat bikpela nid long stretim kwolati sekendari edukesen long olgeta provins long kantri. Long 2010, klostu long 87,000 sumatin bin enrol long gred 8, na 47,000 go long gred 9 long 2011. Moa long 40,000 sumatin i no surukim skul go het long sekendari skul long 2011.

Minista Marape tok wanwan provinsal gavana bai go pas na apim praimer skul go long sekendari o bildim nupela sekendari skul na kamapim 600 spes long wanwan yia stat long neks yia.

Dispela bai kamapim 13,200 nupela spes bilong sumatin long 2014. Hap bilong dispela spes

em bai bilong ol meri sumatin long givim luksave long meri edukesen long sekendri skul.

Minista Marape tok kantri nogat inap spes long skul i mekim planti tausien sumatin i no save long tru veliu bilong edukesen na Fri edukesen em ol tu i no kisim.

Dispela miting i lukim ol i kamapim toktok long edukesen dipatmen bai wok bung wantaim gavman, sios, ol Non Gagman Ogenaisen o NGO na ol arapela developmen patna long lukim 85% bilong skul pikinini bai kisim long besik edukesen long yia 2019.

Minista Marape tok aninit long Visin 2050, gavman gat bikpela bilip long givim gutpela edukesen long ol pipel i ken stretim sindaun bilong ol long trupela pasin.

Memba bilong Tari -Pori i tok i gat bikpela nid long haus bilong Tisa na skul inspekta long stap gut na mekim wok bilong ol long distrik na provins.

Mama Merolyn lainim wok self rilaens

Sape Metta i raitim

SAPOS yu wanpela turangu o disebol mama husat i gat man na tripela pikinini long lukautim, tasol lek na han bilong yu i no gutpela, bai yu mekim wanem?

Wanpela meri Goroka i no larim hevi long bodi bilong em i daunim em.

Tru tumas, laip bilong ol turangu manmeri i save hat tru.

Sapos yu nogat gutpela lek long wokabaut gut i go – i kam na gutpela han long mekim ol wok long gaden na tu ol arapela wok we bai yu i ken helpim yu, na sapos yu gat famili, yu mas traim long helpim ol tu.

Long olgeta kona biong PNG long taim yumi lukluk, bai yumi i ken lukim planti milien gutpela manmeri na pikinini i stap.

Gutpela i min olsem, ol i gat gutpela lek na han long mekim ol wok na long sem taim lukautim ol yet. Tasol namel long dispela ol milien man-meri na pikinini, ol turangu o disebol lain tu em ol i stap.

Na planti taim yumi ol gutpela lain bai lukluk krangi, bel nogut na kros long dispela ol turangu lain. Dispela em i no pasin long yumi ol gutplea lain bai mekim. Tingim, sapos yumi ol gutpela lain i stap olsem ol, wankain pasin bai ol man-meri i ken mekim long yumi. Olsem na sapos yumi kisim dispela kain tingting, orait yumi mas sore na lukautim ol gut. Ol i nidim laikim na helpim bilong mipela tu.

Wanpela turangu mama husat Wantok Niuspepa i bin bungim em long Mercy Works Sisters Self Ri-



FAMILI SAPOT: Merolyn na man bilong em Andrew na pikinini meri bilong tupela Anita i helpim ol yet long somap long Mercy Works Sister Trening Senta long Goroka, EHP. **Poto: Sape Metta**

laens Trening Senta long Goroka –Isten Hailans long wik i go pinis, i stori long laip bilong em. Na dispela stori i tatsim na brukim lewa bilong dispela ripota.

Merolyn Andrew husat i kam yet long liklik hauslain Kawaina long Obura/ Wonenara distrik – Isten Hailans em dispela mama.

Taim mama i karim Merolyn, em i no gat pinga long tupela han bilong em, na lep lek bilong em i sot. Na taim mama bilong em i lukim olsem em i karim kain pikinini, em i no amamas na i no tingting long lukautim gut Merolyn. Em i larim em groa long laik bilong em long wanem, tupela han nogat ol pinga na lep lek bilong em tu i sot.

“Taim mama ino amamas long lukautim mi, wantok lukluk long mi, na mi groa namel long mama, papa

na ol wantok long ples Kawaina. Na taim mi kamap yangpela meri, mi stat long kisim gutpela developmen long tingting bilong mi long wanem kain laip em mi bai go insait long en long taim mi kamap meri na kamap olsem mama tu. Na tingting tu em i kamap long sait bilong marit. Mi ting, long kain lukluk bilong mi, ol man bai i no nap maritim mi, na tingting long kisim mi olsem meri bilong ol,” Merolyn i tok.

“Andrew i no olsem mi, em i gat ol gutpela han na lek na taim mitupela i marit, Andrew i kamap olsem ol pinga na lek bilong mi. Nau yet taim mitupela – mi karim tripela gutpela lek – han pikinini meri long em. Ol pikinini em Sandy husat i gat 12-pela krismas na em skul long Lusaroka elementeri skul, Anita (9) na Pricilla (6) i no skul

long wanem em i hat long mipela i karim tupela i go – i kam na painim skul bilong tupela. Na tu sapos tupela i skul, em bai hat tru long painim lans mani bilong tupela, bikos mipela bai kisim mani we long baim lans bilong tupela,” Merolyn i tok.

Em i tok man bilong em Andrew i no save long wok fotnait. Tasol em i save helpim ol long taim em i save maketim ol liklik kaikai olsem ol pinat na prut.

“Mipela i bin lusim ples na kam long

Goroka, na nau yet mipela i stap long Red Kona long Kama hauslain wantaim sampela femili. Mipela i nogat ol wantok husat bai i ken helpim mipela. Na bikos mi olsem femili mama, mi mas wok long helpim ol pikinini na man bilong mi tu, olsem na long painim liklik mani long lukautim mipela yet, mi save wokim ol bilum, salim na kisim liklik mani we em i save helpim mipela long baim ol kaikai na kaikai na lukluk gen i go long narapela dei long kamap. Na narapela dei long taim em i kam – em i kam, na mipela i save i stap olsem,” Merolyn i tok.

Em i tok ol i nogat narapela rot long kisim helpim, olsem na taim em i harim olsem ol Mercy Work Sisters i wok long trenim ol manmeri na promotim tu wok self rilaens long trening senta bilong

Sakoro i tok em no save bai em mekim wanem long nupela Land Cruiser, long kisim ki bilong kar, em salim meri bilong husat em nes long Alotau haus sik long go kisim long makim em.

Digicel PNG nau gat 3-pela Land Cruiser long winim stap yet na sapos yu laik kamap wanpela winim yum as top ap long stap insait long dro.



Alotau polisman winim namba 5 Land Cruiser

Digicel tokaut long namba 5 wina bilong ol.

SINIA Konstabol Gini Sakoro em namba 5 man nau long Digicel Promosen long winim 8-pela Land Cruiser.

Sakoro husat bilong Sentral Provins tasol wok olsem polis man long Alotau bin kirap nogat taim ol Digicel i ringim em na tokim olsem em wina bilong Land Cruiser.

Goroka, em i go lukim Darekta Sista Maryanne Kolkia husat i kisim em na trenim em long samap wantaim ol arapela na sampela papa tu.

Sista Maryanne i tok long taim em i kisim Merolyn long trenim em long samap, wantu tasol em i lainim na kisim save na kisim save long samap.

Em i tok em i save tekim sampela taim long ol gutpela lain long lainim samap na ol arapela trening, tasol long ol turangu o disebol lain, ol i save lainim na kisim save wantu tasol.

“Dispela em wanpela samting we mipela long Mercy Works Sisters i luksave, olsem na mipela i kamapim tu ol spesol trening program we mipela bai lukluk long trenim dispela ol turangu lain olsem Merolyn,” Sista Maryanne i tok.

Em i tok dua em i open i stap long Mercy Works Sisters Trening Senta, na ol i gat planti taim long skulim na trenim ol disebol na turangu lain na gutpela lain tu.

Merolyn i go moa na tok olsem em i amamas long trening, na nau yet em i save long samapim ol klos bilong ol mama. Na em i laik kisim moa trening long samapim tu ol siot bilong man na klos bilong ol pikinini.

Tasol bihain long em i kisim trening na save gut long samap, em bai i go bek long haus bilong em. Na long haus, em i nogat samap masin, olsem na sapos em i no nap go het long samap long haus, em bai lusim tingting na save em i bin kisim long Mercy Works Sisters Trening Senta.

300 pikinini kisim tambu sut na marasin

Paula Kari, Wol Visen
i raitim

MOA long 300 i stap long birua bilong kisim sik insait long ol Pot Mosbi setelmen i kisim sut na marasin bilong stopim ol bikipela sik long tupela mun, wantaim Wol Visen na NCD Helt Divisen.

Na 600 moa pikinini wantaim ol mama bilong ol tu i kisim helt sekap long dispela taim.

Klostu 200 bilong ol dispela pikinini i kam long dispela helt autris i bin gat sampela kain sik. Ol i gat sik olsem kus moa long tupela wik, numonia, sik bun nating, bikipela sua na ol nes bilong NCD Helt na Wol Visen woklain i salim ol wantaim pas i go long ol helt klinik i stap klostu long ol long kisim moa sekap na marasin.

70 bilong ol dispela pikinini i bin kisim sekap long helt autris i nogat bikipela hevi i kamap long 80 pesen mak. Ol arapela i gat hevi bilong i namel long 80 na 100 pesen nutrisenel mak bilong hevi bilong pikinini long taim mama i karim.

Ol mama husat i karim long ples i kisim pas bilong go long klinik long gutpela sekap na kisim marasin, na ol arapela husat i kam long klinik bilong ol mama bel i kisim helt toktok long wanem kain we bai ol i lukautim ol yet.

Wol Visen Prosek bilong Gutpela Sindaun bilong Famili i statim wok bilong helt autris na givim tambu sut na marasin long Epril wantaim helpim bilong 6 Mail Klinik bilong NCD, 9 Mail Klinik bilong Hop Wol Waid na Los Rot Klinik.

Ol dispela klinik aninit long NCD Helt i save lukautim ol lain long 4-pela setelmen we Wol Visen i save wok long ol. Ol dispela setelmen em, Ranuguri klostu long Los Rot klinik, Segani, 8 Mail Blok 1 go 4 na ATS (Air Transport Squadron) long Milen Be, Isten Hailans na Oro Blok.

"Mipela laik helpim wok bilong Helt Dipatment long bringim dispela bikipela sevis long ol taget komyuniti bi-

long mipela long ol lain i save painim hat long mani, na i no nap long go long ol klinik long kisim famili plening bilong ol mama na kisim tambu sut na marasin bilong ol pikinini," FWBP Menesa, Jeanette Selep i tok.

Long wankain taim, ol woklain bilong helt na Wol Visen i strongim ol mama long ol i mas go long ol klinik na kisim helpim long helt bilong ol yet na ol pikinini bilong ol.

"Kisim tambu sut na marasin bilong banisim ol pikinini na mama long ol kankain sik em i wanpela hap tasol bilong dispela project, bikos wanpela bikipela as bilong ol nupela bebi na ol liklik pikinini i save dai em ol i no save pinisim olgeta marasin bilong tambu sut na marasin.

"Long narapela sait tu, mipela laik helpim ol lain i stap long hap we ol i no nap long kisim helpim long kisim famili plening sevis long ol klinik i stap klostu long ol bikos ol i nogat mani long go o long kalsa tambu ol i gat.

"Mipela i laik skulim ol mama, na ol waslain bilong ol pikinini long ol komyuniti long famili plening, na loa bilong mama givim susu long bebi long 6-pela mun, stat long taim mama i karim, na long wasim han olsem wanpela we bilong stopim kankain sik. Em i nogat kos bilong em, tasol em i gutpela we bilong stopim ol sik olsem bel pen na pekpek wara, we i ken bagarapim ol pikinini taim mama i karim inap long 5 yia taim," Mis Selep i tok.

Moa sain bilong sik long ol pikinini em kus, ol sua na pekpek wara bikos ol mama i nogat gutpela save long lukautim gut ol pikinini bilong ol. Ol dispela sik em ol i ken stopim sapos ol i save wasim han na waswas.

Larsen Neayambe, Helt Promosen Opisa bilong Wol Visen i tok planti mama i no save yet long givim nam-bawan spes long helt bilong pikinini bilong ol, na sampela taim ol i no save helpim ol pikinini i sik i nap long planti wik na i save mekim ol sik bilong ol i go bikipela moa.

wantok moni

Send money to Anyone, Anytime Anywhere



How to send Wantok Moni

- 1 Dial *131#
- 2 Enter mPIN
- 3 Press 2 for "Funds Transfer"
- 4 Press 3 for "Wantok Moni"
- 5 Choose Account which you will send Wantok Moni from
- 6 Enter recipient's mobile number
- 7 Enter Amount
- 8 Press 1 to confirm

Have you received Wantok Moni?

- 1 To Accept Wantok Moni
 1. Dial *131#
 2. If you are a new user, you will be asked to enter a 4-digit Personal Identification Number (PIN).
 3. If you're an existing User, you will be asked to Enter and confirm your 4-digit PIN (this is different from the send code)
 4. Reply 1 to "Accept Wantok Moni" ENTER the Sender's SEND code and the SEND code that you generated
- 2 To generate a Wantok Moni Withdrawal Code
 1. Dial *131#
 2. Enter and confirm your 4-digit PIN
 3. Reply 2 to "Withdraw Wantok Moni"
 4. Reply 1 - to Generate Code
 5. You will receive a response, containing your WITHDRAWAL CODE



Anyone, Anytime, Anywhere!



320 1212 / 7030 1212



servicebsp@bsp.com.pg



www.bsp.com.pg



Official Sponsor of the 2015 Pacific Games

Air Niugini introduces Online check-in

How to Check-in Online


- Visit www.airniugini.com.pg
- Refer the Flight Booking panel on the left hand side of the page
- Click on 'My Flight' tab
- Fill in the blank fields and then click on 'Check in' button
- Follow prompts to progress your online check in

*NB: Online check-in is available 24hours to 3hours before departure.

- On completion, your boarding pass and important instructions are emailed to your nominated email address
- Bag Drop: If you are travelling with bags, proceed to the 'Online Check In' Counter (where available). Your bags will be weighed and bag tags issued.



Making your travel experience more convenient!



www.airniugini.com.pg

FRI INTANET KONEKSEN

Oi Telikom kastoma i gat telepon lainil go long olhausbilongolnau i gat gupela sans long sainap long kisimfriintanetkoneksen long telepon lain bilong ol.

- **Telefonintanet I gat;**
- Spit bilongem inap long 2Mbps
- WiFilong konektimplanti lain iyusimolkomputanaolsmatfon
- Em i trupelaintanetsevisbi-long PNG
- **Sainim na kisim nau, nogut yu misaut**
- FRI Lokal Vois Kol inap long 1 mun
- Baim Top Apnayu ken kisimnap long 200 pesenbonas
- Isi long setap/ i no longpela taim long setap

Winim trip long lukim Mansesta Yunaited.

Kamap wanpela laki wina long kisim trip long go lukim Mansesta Yunaited i kisim A-Lig Oi Sta long ANZ Stediu, Sidni long mun Julai.

Oi Prais i stap olsem

- Wanpela Gem Pas
- Wanpela balus tiket bilong go na kam
- 2 nait akomadesen
- Poket mani bilong wokabaut

Bai yu Win olsem

Yusim K200 long baim wanpela o moa Telikom Prodak long ol Telikom Stua, raitim nem na adres bilong yu long baksait bilong stua risit, na tromoi i go long wanpelabokisinsaitlong olT elikom Stua na bai yu go insait long dro.

19t/MB

Hamamas wantaim 19 toea pripei long daun taim intanet ret long 7 kilok moning go 7 kilok naitna nogat stop long namel. Yu laik save moa, ringim 24/7 Kastoma Ke long telefon 3456789.



2015 Pasifik Gems bungim sios na komyuniti

Frieda Sila Kana i raitim

2015 PASIFIK Gems Atoriti i laik wok bung wantaim komyuniti na sios long kamapim wanpela nambawan Pasifik Gems stret long yia 2015.

Long Fraide 14 Jun 2013, Gems ogenaizing komiti i bung wantaim sampela sios na komyuniti grup long Pot Mosbi long soim ol, wanem kain we ol dispela grup i ken helpim long kamapim gupela taim long 2015 Pasifik Gems. Na long wanem kain we ol i ken kisim sampela helpim long mani na kisim save long wok long bihain taim.

Oi wok bilong gems bai stat long Julai 4 i go i nap long Julai 18, 2015. Olgeta gems bai i kamap long Pot Mosbi tasol.

Ogenaizing Komiti Eksekutiv Opisa, Mista Peter Stewart i tok olsem as bilong ol i holim long Mosbi tasol em bikos em i bikipela hatwok na i kos moa mani long ol pilai i kamapim long olgeta senta. Long dispela as nau gavman wantaim meja sponsa, Beng Saut Pasifik na ol arapela liklik sponsa i sapotim bikipela wok bilong kamapim gut stret Taurama Lesa Senta long kamap wanpela nambawan lesa senta stret long Pasifik.

Pasifik Gems Ogenaizing Komiti i bilip olsem bihain long ol gems dispela lesa senta bai i stap sevim kantri i nap long narapela 20 yia moa.

Pasifik Gems ogenaizing komiti bai rausim Se John Gais indo stadium tu na bai kamapim wanpela narakain stadium stret long holim ol gens insait.

Bikipela senis bai kamap tu long ol Bisini Kots.

Long wankain taim tu wok i stat pinis long bikipela hotel viles bilong olgeta spots man meri na ol tim opisels bilong ol insait long eria



Sampela lain bilong sios na komyuniti grup long patnasip miting.

bilong Yunivesiti ov PNG.

Mista Stewart i tokim ol sios na komyuniti ogenaimesen olsem 2015 Pasifik Gems Komiti na gavman bai nidim tru bikipela helpim bilong sios na komyuniti long sapotim wok bilong 2015 Pasifik Gems bai kamap gupela tru.

2015 Pasifik gems bai lukim 4,000 spot manmeri na ol tim opisel i pilai long 28 kainkain spot bai kamap namel long 22 kantri.

Long dispela taim, Pasifik Gems Atoriti bai yusim 3,000 volandia woka na ol kontrakta insait long moa long 40 wok hap bilong ol gem insait long Pot Mosbi Siti.

Long gems viles hotel, bai i gat 4,000 bet na wanwan de bai ol i rereim 20,000 plet kaikai insait long wanpela traipela restron tru wantaim 300 spes ka pak. Na bai i kamapim 65 ton rabis olgeta de long rausim pipia long kain kain ples bilong pilai, kaikai na slip.

Em bai i nidim sekiriti gat long olgeta hap bilong pilai, na slip bilong

ol spot man na meri.

Gavman bai lusim samting olsem K7 milan long kamapim na ronim Pasifik Gems Atoriti wantaim siaman Kostas Constantino.

Mista Constantino i gat wok long bosim olgeta wok long lukautim tu mani gavman i putim i go olsem wanem.

2015 Pasifik Gems Atoriti em bai ron aninit long lo bilong kampani, na insait long tupela wik, bai gavman i gat lejislesa bilong menesim ol gems.

Em bai i no ron olsem gavman sistem bikos rot bilong kisim mani na mekim wok i hatwok tumas.

Long ronim ol gems, em bai kos K100 milian.

K33 milien gavman bai lusim long opim na pasim seremoni nae m bai kamap wanpela bikipela kalsa so stret long PNG. Dispela bai soim long wol olsem bihain long 40 yia PNG i stap indipenden mipela i ken tok, mipela i develop pinis olsem wanpela nesen na

mipela i ken mekim moa wok na i no long kamapim ol mineral tasol,” Mista Stewart i tok.

“Wok bilong ronim ol gems o bilong ol spot man meri long pilai kainkain spot na rereim ol yet em i no bikipela wok, bilong wanem em samting ol i save wokim long olgeta de na ol i save gut.

Tasol bikipela salens i stap long dispela narapela wok bilong lukautim ol pilaia, we ol nidim tru komyuniti long helpim,” Mista Stewart i tok moa olsem,

“Pot Mosbi na PNG komyuniti bai kisim planti mani na gupela samting bai i kam long we bilong kisim wok long klinim ples, lukautim ol pilaia, wok sekuriti, na bai i gat trening long kastoma sevis, prosek menesmen, tim wok na tu em bai strongim CV bilong ol lain i wok long bihain taim bilong ol. Ol pipel i ken kisim sampela helpim tu long sait bilong tumbuna singsing bilong opim na pasim gem,” Em i tok.

Huon Galp Distrik i gat 5-yia distrik developmen plen

MEMBA bilong Huon Galp Ross Seymour long aste givim 5 yia developme plen bilong distrik I go long Minista bilong Nesenel Plening Charles Abel long Pot Mosbi.

Mista Seymour i tok ol besik sevis olsem rot, bris na skul na ol arapela i bagarap na em i tok klostu long 20 yia nogat wok kamap long distrik.

Long 5 yia plen, mista Seymour lukluk long stretim ol rot long distrik na tu, lukluk long mekim nupela rot, stretim edukesen sekta wantaim helt na LLG na pait agensim HIV na AIDS.



Memba bilong Hun Galp Ross Seymour givim 5-yia developmen plen bilong Huon Galp district igo long minister bilong Nesenel Plening Charles Abel.

Nesenel Plening Minista Charles Abel i tok distrik i mas gat plen we bai soim klia long wanem developmen bai kamap wantaim mani we gavman bai givim long baset.Minista Abel i tok tenkyu long memba Seymour long kamapim 5-yia plan bilong distrik bilong em.

120 Enga sumatin bai go stadi long Filipins

Stanley Nondol i raitim

WAN handret twenti sumatin bilong Enga provins bai go skul long Filipins long neks mun na stadi long kainkain ol teknikal kos.

Enga Provinsel gavman i patna wantaim Intanesnel Edukesen Ejensi -Site Grup na rikrutmen grup-Orion we ol i kamapim dispela olsem wanpela paillet projek.

Ipatas Faundesen na Enga Provinsel gavman i sapotim dispela projek wantaim K4.5milian long sapotim ol dispela 120 sumatin long skul fi bilong ol long stadi long 12-pela mun long Manila. Ol sumatin bai stadi long hevi disel , konstraksen, na welding na ol arapela teknikel sevis stadi olsem kemp sevis.

Ol dispela save bilong kainkain teknikal wok em i mekim isi long ol sumatin taim ol i pinis

ken kisim wok long ol maining eria wantaim halivim bilong Ipatas Foundation na Enga provinsel gavman.

Enga gavana Peter Ipatas tok, PNG nogat planti wok man long sait long teknikal wok, na lukim planti ovasis lain i pulap long planti maining hap na bilian kina LNG projek. Mista Ipatas,i tok ol Esia nogat bikipela save tasol ol kam pulap na wok bikos ol i gat teknikal save.

Mista Ipatas i tok dispela projek, sapos i kamap orait bai lukluk long nesenel gavman i ken yusim long olgeta provins na wanwan provins ken salim sumatin go stadi long teknikal kos, na kantri bai gat inap wokpos na ol ovasis wokman bai nonap kam mekim wok long ol maining hap long kantri.

Siamen bilong Ipatas Faundesen, Issac Lupari i tok, dispela K4.5

milian em Foundesen na provinsel gavman i peim long dinau long nem bilong sumatin na taim ol sumatin pinisim skul na wok bai bekim na provinsel gavman bai salim nupela sumatin go kisim wankain trening.

Gavana Ipatas i tok dispela tingting o program em gupela long Papua Niugini ken mekim wankain long salim sumatin go aut long kisim trening taim kantri nogat inpa ol risos na trening samting long kantri yet long lainim ol yut.

Gavana Ipatas taim las wik, i sainim pepa wantaim patna Sait Grup na Orion Grup, na tok planti yut ol stap nating na dispela bilong halivim ol yut long kisim save na tok Enga Provinsel gavman bai painim wok bilong ol dispela sumatin taim ol pinisim skul na kem bek long kantri.

Gavman bai surukim risos go long agrikalsa na turisim

Stanley Nondol i raitim

GAVMAN i nau lukluk long putim moa mani long infrastraksa, turisim na agrikalsa sekta bilong wanem taim maining, gas na pertolium risos i pinis ol dispela bai stap yet wantaim ol pipel.

Minista bilong Tresari na ekting ninista bilong Haia Edukesen Don Polye, long wanpela intavieu bilong EMTV Risos Progrem tokaut olsem gavman bai kisim reveniu mani long ol maining na gas indastri na putim long infrastraksa, tur-

ism na agrikalsa long stretim rot long PNG ekonomi bai groa long lukim gutpela bihain bilong kantri.

Minista Polye tok long sapotim ol dispela sekta, gavman bai apim mani long baset bilong kantri na putim moa mani long ol tripela sekta na Minista Polye tok moa olsem long las 4-pela yia, gavman i spendim K1bilian pinis long ol bikipela rot na maritaim projek raun long kantri na lukluk long mekim moa wantaim wok agrikalsa na turisim.

Minista Polye tok gavman nau

wok long toktok yet wantaim ol ovasis investa long kirapim bikipela agrikalsa projek we gavman bai gat bikipela sea na tu, bai halivim liklik bisnis, bisnis bilong ol meri na yut long lukim sidaun bilong ol grasrut pipel bai kirap na stap orait taim gavman i kamapim bikipela ol agrikalsa projek.

Minista Polye i tok, wok agrikalsa, infrstraksa, (wof, elektrisiti, gutpela rot) na turisim bai halivim kantri long groa long bikipela mak. Na moa long en, em tok humen risos o save man bilong kantri tu em

bikipela samting long groa bilong PNG.

Minista Polye tok kantri nau wok long lukluk long maining na petroleum sekta long mekim win mani, tasol em tok nau em taim bilong lukluk moa long agrikalsa na turisim sekta tu bikos taim maining na petroleum i pinis, agrikalsa na turisim bai stap yet na sapotim ekonomik laip bilong kantri.

Minista bilong Tresari tok wok agrikalsa i wok long pundaun. Em tok dispela yia long agrikalsa

sekta ol i projektim long pundaun, na spos em kam daun yet bai lukim sekta i pundaun olsem 8% long 2017.

Minista Polye tok sampela sekta i bin mekim gut long las 10- pela yia na em tok em bai tebolim ripot bilong economy bilong PNG long las 6-pela mun long Julai sindaun bilong palamen.

Minista Polye tok ol liklik bisnis o SME na wok agrikalsa bai halivim kantri long growim ekonomi na tok NDB bai go het long sapotim liklik bisnis.

Gospel i gat Pawa

Sanang Zazoring i raitim

MAN i kisim laip insait long pawa bilong Gutnius na abrusim belhat bilong God, taim em i harim na bilipim Tok bilong God, sios i autim.

Dispela tok bilong givim laip, man bai kisim fri insait long Gospel bilong Jisas Krais, na i no gat narapela rot bilong sevim spirit bilong man.

Het bilong Lutheran Sios insait long Papua Niugini, Reveren Bisop Giegere Wenge, i autim dispela tok bilong bel isi long ol Kristen bilong ples Gabensis long Sande 2 Jun, 2013, taim ol i pasim konfrens bilong kongrigesen.

Bisop Wenge, i mekim tu wok bilong sakramen wantaim Pasto Gedion Joshua bilong Gabsongkeg ples husat i wok pasto long Gabensis Lutheran Sios. Long pinis bilong konfrens, ol Kristen i kisim Holi Komyunion, 9-pela pikinini i kisim baptais na 4-pela manmeri i kisim blessing bilong marit.

Insait long hevi bilong lo na oda taim palamen i pasin lo bilong det penalti pinis, ol pipel bilong Gabensis insait long Wampar eria bilong Huon Distrik bilong Morobe Provins, i no guria long dispela samting. Lutheran Sios Gabensis kongrigesen i holim konfrens bilong ol long wiken na singautim Bisop Wenge long mekim wok sakramen na pasim bung wantaim.

Long wan wik konfrens ol lida i tok tok long kamapim mani bilong kongrigesen long mekim wok sios, yut wok, Sande skul wantaim wok mama na painim rot bilong sios bai i wok olsem wanem insait long dispela taim bilong hevi na senis.

Namel long ol bikipela tok konfrens i toktok long en, em long luksave long wok evanjelisim na wanem rot bilong karim Gutnius i go, na mekim gut wok long ofis edministresen bilong Gabensis kongrigesen yet. Konfrens i toktok long gutpela straksa bilong wok sios i bihainim Visen 2020 bilong Evanselikel Lutheran Sios bilong Papua Niugini aninit long het tok, "Wokabaut wantaim famili long pasin bilong laikim na givim ofa i gat laip i go long God," Rom 12:1-2.

Reveren Wenge, i autim Tok bilong God i sut long helpim sindaun bilong ol Kristen na luksave long wanem ol senis i wok long kamap tude taim dispela kantri i go insait long planti bikipela senis bilong politik, developmen, senis bilong ikonmik developmen wantaim ol hevi bilong sosel laip i salensim laip bilong ol pipel.

Em i apil long ol 7,000 kongrigesen memba bilong ples Gabensis long sanap strong long bilip taim kantri i go insait long kain kain senis. Gabensis kongrigesen i sanapim 7-pela grup insait long wan wan zon. Ol i bihainim dispela rot na ripot i go long Wampar seket insait long EL-CPNG Yabem Distrik olgeta.

Ol lida i tok strong long ol yangpela manmeri i mas mekim wok bilong autim Gutnius i go het taim ol i stap yangpela na i gat strong yet, stat long wanem hap ol papamama i lusim. Tasol ol lida bai sanap tasol na givim stia na gutpela tingting bilong mekim wok sios.

Insait long dispela wok, Bisop Wenge i tok strong long olgeta wokman olsem pasto na evanselis i mas

i go daun tru long level bilong ol manmeri na autim Gutnius. Em i tok olsem, i gat bikipela hevi bilong sios nau i stap bikos ol sios wokmam i no sanap stret long posisen bilong ol long karim aut wok bilong Gutnius.

Em i tok, ol Kristen i mas sanap strong wantaim Tok bilong God taim kain kain senis i kamap insait long politik, bisnis na sosel laip bilong ol manmeri. Em i tok, ol sios wokman i mas sanap strong na autim Gutnius i go long ol lain husat i stap long kalabus long senisim laip bilong ol na bilip long Gutnius na kisim laip oltaim.



BENEDIKSEN: Benediksen bihain long komyunio lotu long Gabensis Viles, Morobe Provins. *Poto: Sanag Zazoring*

AGRICULTURE TRACTORS

90hp

70hp

50hp

- Slashers
- Disc Ploughs
- Disc Harrows
- Post Hole Augers
- And Other Attachments for Farming

AGMARK MACHINERY

PORT MORESBY: 323 5572 | LAE: 472 6324 | KOKOPO: 982 8748
machinery@agmark.com.pg

**BEYOND BOUNDARIES
SUNDAY, 6PM - 6.30PM**

Topic of the week:

Operation Open Heart Program



FM100

PNC's Information & Music Leader

Text 1610

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAQIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8



Yut, Meri na Famili

**Pastor
Barbara Lunge**

Tok tok bilong ol singel mama o papa

'PASIN bilong laikim tru ol arapela em i save karamapim planti sin na i winim olgeta arapela pasin.' 1 Pita 4 na lain 8 i tok.

Ating nau yu wanpela i hatwok long lukautim pikinini bilong yu yet ah? Sapos olsem, orait, yu lainim ol long tripela as tingting bilong laip. Taim yu lainim ol, bai ol dispela as tingting i kamap strong long laip bilong yu yet tu. Bai yu kirap nogut long save olsem planti instrakta i save lainim planti samting taim ol i wok long tisim narapela.

Olsem na namba wan as tingting; yu mas tisim pikinini long pasin bilong laikim ol narapela husat i no nais tumas. Toksave long ol olsem pasin bilong laikim narapela i gat pundaun bilong em, tasol em i gupela long traim. Taim ol i harim yu toktok olsem, em bai helpim ol long taim ol i wok long gro, bai ol i noken tingting nogut long ol arapela bikos long hevi ol yet i bin karim long laip.

Tok klia long ol olsem taim yu laikim ol pipel, yu mas laikim wanem samting i gupela, na tu yu mas toksave long ol olsem, em i orait long wanem kain pasin o sindaun we wok long kamap gupela isi, isi yet. Taim ol i save long dispela, em bai ol i noken painim lewa bruk long taim ol narapela i bagarapim ol, bikos rot bilong God long stretim kain hevi olsem em, pasin bilong laikim tru ol narapela i save karamapim planti sin.

Namba 2 as tingting em 'tokim ol olsem sindaun bilong ol bihain bai kamap gupela moa, winim bilong pastaim. Samting i kamap long yumi long bipo, i save kamap olsem fiul long yumi ron long em, tasol fiul i save wok tasol taim em i paia na kamapim ges. Olsem na larim pen bilong bipo i kukim yu na kamapim gupela pasin bilong laikim narapela long yu na gupela save skelim sindaun na hop i kamap. Planti gupela man na meri we yumi save lukim nau na yumi save tingting olsem ol i bin gat gupela laip, ol i no save kam gut tasol. Nogat. Ol tu i bin gat taim bilong pundaun long laip bilong ol.

Kain olsem, wanpela man bai resis na kamap nambatu ples long pastaim yia i go, bai win na kamap nambawan long dispela yia.

Olsem na yu mas yusim taim pundaun bilong yu long lainim gupela samting, Luksave na holim pas long nupela de i kamap long laip bilong yu. Taim yu mekim olsem, 'Olgeta samting em i nap tasol.' Matyu 19:26.

Namba tri as tingting em, 'Yu mas soim ol, olsem ol i mas rere long senis olgeta taim. Tokim ol olsem, taim yu holim pas long pasin nogut ol i mekim long yu long bipo, em yu bai mis aut long gupela samting bai kamap long bihain. Ai bilong yu bai i pas wantaim hevi bilong bipo. Nambawan taim yu bai pilim bikipela pen na bel hevi taim ol lain i bagarapim laip bilong yu, tasol bihain yu luksave pinis na yu no moa bel hat, yu mas stat long mekim nupela plen. Go klostu long God na tingting long kamapim gupela laip gen wantaim God. Noken stap pas long wantaim wanpela hap we i bilong helpim yu tasol long go het long gupela sindaun bilong yu long bihain. Em tu bai pinis olsem na yu mas larim i go.

Ritim moa toksave long Matyu 5:3, Luk 18:9-14, Aisaia 57:14-21, Sam 7:18-29

Sapos yu laik save moa; toktok wantaim wok-meri bilong Bikipela, Barbara Lunge, Rivers of Grace Intenesenal Ministri. P.O. Box 3063. Boroko. NCD. Papua New Guinea. B Mob 67331426 / 71075829 DG.

Wok wantaim ol meri na helpim kantri go het: Polye

KANTRI bai no nap go het sapos ol meri i no stap long olgeta level bilong developmen, Tresera Don Polye i tok.

"Olgeta lain i save kisim helpim taim manmeri i wok wantaim," Mista Polye i tok.

"Dispela em i stat bilong yumi long stretim bihain bilong nesen bilong yumi bilong wanem, em i gupela long sait bilong ikonomi, tasol em i luk olsem hap-sens toktok, long tok long givim pawa na givim wok long narapela sait, yumi win tru long yumi i no larim narapela hap bilong populesen bilong yumi long mekim sampela wok," Mista Polye i tok moa.

Em i givim salens long ol meri long tokaut long ol rait bilong ol, na long gat stret-pela pasin, i no ken mekim tasol bilong stap wankain olsem ol man tasol long mekim olgeta wok long daunim pasin korapsen.

Mista Polye i brukim rekot taim em i endosim ol meri long resis long nesenel ileksen we Traiamp Herites Pati bilong em i winim tupela sia long ol meri i sanap na i win long Sohe Elektoret taim Delilah Gore i win na tu long Isten Hailans i lukim nau

Gavana Julie Soso i win.

Minista nau i makim K100,000 long helpim ol meri aninit longWimen in Bisnis Faundesen wok stat long kamapim wantaim Maikro Fainens Beng bilong ol meri insait long kantri.

Em i tok PNG i nidim helpim na advais bilong ol meri bilong wanem dispela kantri i stap yet long stat bilong wanpela longpela rot we ol meri bai autim olgeta save na strong bilong ol insait long ol opis wok na na i no pret long kirapim ol liklik bisnis.

I gupela long lukim Dell-Jenda Globol Bisnis na Developmen indeks (Dell-Gender Entrepreneurship and Development index -GEDI) ripot i kamap long tupela wik i go pinis i autim olsem, "taim ol meri i go long bikipela skul, em i kamapim strongpela ples bilong ol meri sanap na traim wokim bisnis."

Mista Polye i tok, i gat 40 pesen sans taso bilong ol meri long dispela nesen long kisim wok long ol opis.

"Yumi mas stat long edukesen olsem as bilong olgeta senis bikos long edukesen tasol bai olgeta pasin bilong daunim meri long bipo bai

senis na yumi ken givim moa wok long ol meri olsem rait bilong ol long sosaiti.

"Tasol i gat bikipela wok yet i stap long mekim. Namba1 step em long yumi mas gat gupela sistem bilong lukautim ol meri. Long Papua Niugini, namba bilong ol mama i save dai long taim bilong karim pikinini i antap tumas winim olgeta Pasifik kantri," em i tokim ol lain long Holide Inn long Pot Mosbi.

Tresera i tok ol i mas mekim klia olsem sanguma i no wanpela bikipela samting. Em i wanpela rabis giaman bilong ol lain husat i no save rispektim ol meri long kantri, olsem na pasin bilong paitim meri i wok long kamap bikipela na nogut yet.

"I gat bikipela salens i stap long lukautim ol meri long wok ples na i kosim bikipela mani long ol bisnis haus long PNG. Em i nomol long PNG long ol meri i wok nait, i ken gat ples bilong slip na long trenspot i bringim ol i go i kam long wok, tasol i no olsem long narapela hap bilong graun. Mipela gavman i kisim dispela olsem wanpela salens.

I mas gat gupela na raitpela polisi long lukluk long dispela hevi. Nau dispela wok

wantaim Queenslad Gavman i strongpela step long kirapim gen Roial Konstabulari," em i tok.

Em i tok, tingting bilong em i save paul olgeta taim sam-pela lain i save toktok long sanguma olsem em i kamap as bilong kilim man long ples klia na taim ol i lukim dispela man o meri olsem man i nogat lewa, bilong wanem em yet i gat 7-pela pikinini meri.

"Mi laikim olgeta pikinini meri bilong mi wantaim olgeta bel bilong mi. Olgeta taim mi save harim wanpela man i paitim meri bilong, mi save tingim ol pikinini meri bilong mi. Em i save kaikaim tru lewa bilong mi bilong wanem, em i wanpela pasin nogut stret. Mi laikim ol pikinini meri bilong mi long kamap bikipela long wanpela ples wantaim ol poroman i gat rispek long ol na i ken save olsem ol i naispela meri." Em i tok.

O'Neill-Dion gavman i wok long mekim wok nau long stretim ol dispela bikipela wok; 41 pesen moa mani i go long wok bilong edukesen, 61 pesen moa man i go long wok bilong helt, na ol i rausim loa bilong bagarapim na kalabusim ol lain i wokim sanguma.

Daru-Kiunga Daiosis lusim longtaim Pater

**Nicky Bernard
i raitim**

PATER Richard Larouch SM i bin kam long Papua Niugini long 1967 olsem yangpela Pater na ol bin salim em go long Westen Provins long Montfort kongrigesen.

Pater Richard bin stap long hap na save sevim ol lain long Westen Provins long ol wok bilong em olsem pater na dispela i mekim em kamap pikinini bilong Westen Provins.

Plantil bilong ol Katolik manmeri na pikinini long Daru/Kiunga Daiosis i save gut tru long em, na ol wok misin em save mekim.

Pater Richard bin lusim ples bilong em long Kanada, wantaim tingting bilong wok Pater na dispela i mekim em lusim ol famili bilong em na kam stap long Papua Niugini long 46 yia olgeta.

Dispela yia Fr Richard i pilim olsem taim bilong em long Papua Niugini bai kam nap olsem, na em



GO BEK LONG PLES: Fr Rolario Menezes smm peris pris bilong Morata, Fr Richard Larouch smm, husat em bai lusim PNG, Bisop Gilles 'Cofe'smm, bilong Daru-Kiunga daiozes na Fr Victor Dias smm, namba tu peris pris bilong Morata i sanap wantaim bihain long lotu we Fr Richard i mekim long makim laspela misa bilong em long Morata peris. **Poto Nicky Bernard.**

salim tok i go long ol Bisop na het man bilong ol Pater long Papua Niugini olsem em laik go bek long ples bilong em na go malolo long wok.

Dispela tok orait kam long Pater Richard na long Sande wik go pinis em mekim laspela misa bilong em long Morata St Martin de Porres long ai bilong planti manmeri na pikinini long Morata.

Plantil bilong ol famili husat save long Fr Richard tu bin go kam long St Martin De Porres na witnesim laspela misa bilong em.

Wanpela famili bin kam olgeta long Lae long tok tenkyu na harim tu laspela misa bilong em.

St Martin De Porres long Morata tu i kam namba wan haus lotu long stap insait long Montfort kongigesen we i save stap long

Kiunga long Westen Provins tasol.

Bisop Gilles 'Cote' bilong Daru Kiunga Daiosis i tok Fr Richard em eksen man, taim yu salim em long mekim wok em bai mekim long laik bilong yu stret. Em tok ol pipel long Westen Provins bai misim em stret.

Pater Rolario Menezes, pris pris bilong Morata i tok, taim em kam nupela long PNG, em bin go

long Kiunga na em save lukim Pater Richard i save mekim olgeta samting redi bilong ol, em Pater Richard save kirap olgeta eli moning na stret kofi na kaikai bilong olgeta na em i no save komplem.

Dispela wik Pater Richard bai lusim Papua Niugini we em save tok olsem ples na kantri bilong em tasol krismas bilong em tasol i no inap long holim em stap.

Star Maunten Peris pikinini kisim namba wan Komyunio

Veronica Hatutasi i raitim

MARY Kwin of the Star Mountains Katolik Peris long Tabubil em maining taun i stap antap long ol maunten bilong Westen Provins i bin gat bikpela de long Sande Jun2, 2013.

Long dispela de, 57 yangpela skul sumatin na ol nara-pela Katolik lain husat i no bin kisim yet Santu Komyunio yet i bin kisim namba wan Komyunio long wanpela bikpela Misa lotu selebresen we 4-pela pater i bin bung wantaim na wokim.

Peris Pris Pater(bai mi painim nem bilong em) i bin tok dispela em i bikpela mak bilong ol yangpela pikinini long Tabubil Peris i kisim namba wan Komyunio.

Long tok skul i go long ol namba wan Komyunio lain, bikpela toktok i bin go long ol papamama na ol Katolik komyuniti long givim gutpela stia na sapot long ol pikinini na bilip laip bilong ol i ken groa.

Haus lotu i bin pulap tru na ol statim lotu, Baibel na ofatori prosesio we ol wan wan liteji grup i bin putim kamap wantaim ol singsing i bin kamap gut tru na pairap insait long sios na eria.

Bihain long lotu, ol namba wan Komyunio lain wantaim ol papamama i bin serim lans kaikai wantaim peris pris, ol narapela pater i bin helpim em na ol rilijes komyuniti long peris.



PROSESIO WANTAIM KENDEL: Sampela ol namba wan Komyunio lain i wokabaut prosesio i go insait long sios bilong statim misa lotu. *Poto: Veronica Hatutasi*



GOSPEL PROSESIO: Dispela liteji grup i go pas long Baibel Prosio we ol i bringim Baibel i go long alta. *Poto: Veronica Hatutasi*

Singsing bilong ol Benediksen Sister i topim musik sat

WANPELA Sister grup bilong ol Benediksen Katolik kongriksen long Missouri, Amerika, i kam top wantaim wanpela albam singsing bilong ol ol i kolim long „Angels and Saints at Ephesus”.

Dispela em i namba tu singsing albam bilong ol we i kamap wanpela win singsing albam. Nambawan em singsing ol i kolim long “Advent at Ephesus”.

Long las wik, Angels and Saints at Ephesus i bin kamap nambawan long Klasikel Tre-disenel Musik Sat bilong Bilbot megesin.

Albam i bin kamap Namba 2 long nupela atis sat bilong Bilbot sat we i karamapim olgeta kain musik wantaim singsing, “Heatseekers”

Angels and Saints at Ephesus i kam top winim wanpela grup bilong klasikel albam i

gat long em Fifty Shades of Grey, The Clasical Album and Downtown Abbey, na The Essential Collection.

“Dispela em i bikpela samt-ing long wanpela atis na moa yet, wanpela grup Sister husat i save yusim taim bilong ol long stap isi na pre na i no sav e raun, tasol bihainim ol loa bilong Benediksen kongriksen bilong ol,” Monica Firzgibbons em ko faunda bilong De Montfort Musik i tok.

Produsa i tok maski ol i wok long mekim rekoting bilong ol, ol Sister ya i no slek long pre na wokim sakrifais long ol pater na wol.

“Dispela lain Benediksen bilong Mary i kamapim naispela rekoting long konektim yumi wantaim olupela tredisen bilong ol singsing long ol monastri bilong Yurop,” Costa Pilavachi em sinia Vais Presiden bilong Classical A+R Universal Music International grup i tok.



Sios i mas gat ministri bilong em yet long Palamen

LONG luksave long ol wok sios i kamapim insait long kantri bilong yumi PNG, em wanpela bikpela samting sios i mekim na gavman i kisim nem nating i stap.

Sois i hat wok tru long daunim ol hevi na kisim ol sosel sevis long mekim ol manmeri i sindaun gut na lukluk long ol sevis na wok divelpmen bai i kamap bihain.

Olsem ol 4-pela mama sios wan taim ol SDA na Baptis i taitim bun tru long givim ol dispela sevis.

Yumi lukim sios i kirapim ol skul, helt, ol bikpela skul na kolis na planti moa.

Planti taim sios i bungim hevi long fanding o mani, tasol ol i digim sios paus o painim ol dona patna long ol arapela kantri long sapotim na strongim ol sevis we ol bin sanapim.

Em olsem sios i sakrifaisim em yet long givim helpim long nid bilong ol pipel bilong yumi long dispela kantri.

Olsem ol 4-pela mama sios inapim tripela mak long inapim nid bilong ol manmeri.

“Teaching” o wokim na ranim ol skul, “Healing” o ranim ol helt sevis na “preaching” o autim Gutnius bilong Jisas Kraiss.

Aninit long “Teaching,’ Healing na Preaching, sios i daunim planti hevi ol pipel i bungim na tu em i mekim ol wok gavman bilong yumi inap long mekim.

Maski gavman i tok sios na stet i mekim patnasip, em gavman i putim lip sevis, o maus na pepa wok tasol samting tru bilong putim mani i go insait long helpim mekim ol wok, mani i nogat.

Em i bikpela sem tru long gavman i kamapim lip na pepa sevis na samting tru i nogat luksave moa long ol wok sios i mekim.

Yumiritim long Nesenel niuspepa long pes 6 we het tok i sanap ol PM: Women, Youth need funds.

Em Minista bilong Komyuniti Dvelopmen, Yut na Rilijen, Loujaya Tony i kamapim.

Long ol toktok em i kamapim olsem, “The government had recently allocated K10 million yearly for the JDP and budget priority Committees. Each district gets K1million, there is no basket for women, youth, churches and disabilities.”

Ol basket i redi long en em helt, edukesen, trenspot na infrastraksa.

Em bai olsem wanem, nau tasol yumi lukim “Women Arise”na ol i stap long haus krai. Watpo? “Husat i mekim na ol yut i wokim ol pasin vailens, yusim nogut ol strongpela dring na ol drag? Na tu kamapim hevi long rilijen i pondaun, nogat gutpela yuniti na kamapim tu ol birua?

Na husat i bildim bris na bungim ol i kamap gutpela lain?

Wanem impoten o bikpela wok sios i mekim long oraitim ol, na ol disebol lain bai kisim helpim olsem wanem.

Tingim, ol dispela lain ol i stap namba wan long sia bilong God.

Long dispela ol kain wok namel long gavman na sios, sios i brukim bris pinis, tasol em bai kisim longpela taim long gavman i luksave long wok sios i mekim.

Olsem, i moa gut gavman i mas kamapim wanpela ministri bilong sios yet na bai baset bilong sios ministri i ken prairitaisim o givim bikpela lukluk long wok, groa na nid bilong sios.

Dispela em bikpela nid bilong sios.

NASFUND FM100 TALKBACK SHOW

MONDAY - FRIDAY, 9AM TO 12PM

Participate and be heard on an open forum on National Radio



FM100

PNC's Information & Music Leader

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAKE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8



Rausim Sik Tetanus

Tetanus Toksoid Vaksinesen Raun 3 Kempein:

17 Jun i go 26 Jun 2013



HON. MICHAEL MALABAG, MP
MINISTER OF HEALTH/HIV AIDS

Toksave

Ol pikinini bilong yumi tude bai makim rot bilong kantri bilong yumi bai i go na i stap olsem wanem long 20, 30, 40 na 50 yia bihain. Ol meri na man i gat asua long bung wantaim long wok bilong lukautim ol pikinini.

Tasol yumi save lusim ol pikinini bilong yumi long taim ol i liklik yet na i painim dai. Yumi save lukim ol mama i dai long taim bilong karim pikinini. Dispela em i wanpela sore pasin stret na westim tru wanpela bikpela risos bilong yumi.

Dispela ol dai i kamap long sik tetanus em yumi i nap long stopim isi tasol. Yumi mas stopim tetanus bipo long em i kilim ol pikinini i stap yet long bel bilong mama na ol mama bilong ol. Yumi mas givim tambu sut na marasin bilong stopim sik tetanus long olgeta meri na bai yumi banisim ol pikinini long bel bilong ol i noken kisim sik tu.

Long 17 Jun i go long 26 Julai 2013, Ministri bilong Helt bai givim tambu sut na marasin bilong stopim sik tetanus long olgeta

yanpela meri krismas bilong ol 15 i go long ol bikpela meri krismas bilong ol 45 wantaim tu ol mama i gat bel long olgeta hap bilong kantri wantaim Tetanus Toksoid Vaksinesen Raun 3. Olgeta pikinini krismas bilong ol aninit long 5-pela yia bai kisim tambu sut na marasin bilong stopim ol sik nogut, vitamin A sapliment na marasin bilong stopim sik polio (Oral Polio Vaccine). Mi laik singaut i go long olgeta yangpela meri na ol bikpela meri long go long helt senta i stap klostu na kisim marasin bilong banisim ol long noken kisim sik tetanus.

Mi laik singaut i go long olgeta papamama long kisim ol liklik pikinini bilong ol i go long helt senta klostu long sekap bilong ol mama na long kisim sevis bilong helt autris bilong pikinini aninit long 5 yia.

Mi singaut i go long nesenel, provinsel, distrik na viles lida na ol opisa, ol NGO, ol sios, praivet sekta, nius lain, long givim wanem kain helpim yupela i nap long givim long pawa bilong yupela yet long yumi inapim gol bilong yumi long givim sut na marasin bilong banisim 1.8 milien yanpela meri na bikpela meri na 750,000 liklik pikinini insait long 22 provins na 89 distrik husat bai kisim bikpela helpim long ol dispela helt sevis. Olgeta dispela lain i nidim helpim bilong yumi long banisim ol long noken kisim sik we yumi ken stopim wantaim sut na marasin bilong banisim ol.

Ol helt woka insait long kantri wantaim ol komyuniti helt woka i mekim wok wantaim ol wanwan famili na komyuniti long bringim helt sevis long ol.

Ol developmen patna bilong yumi long olsem, UNICEF na Wol Helt Ogenaisesen, wantaim AusAID, ol NGOs, ol Feit Bes Ogenaisesen na praivet sekta i wok long sanap wantaim yumi yet na sapotim ol wok bilong yumi long kamapim gutpela helt bilong ol pikinini na ol meri.

Sapos yumi wok bung wantaim, bai yumi ken hariap long banisim ol pikinini na ol meri long ol kainkain sik we yumi i gat marasin long stopim. Nau em i taim bilong yumi soim tru laikim bilong yumi long kamapim gutpela sindaun bilong yumi long naispela kantri bilong yumi Papua Niugini.

**Taim yu no
banisim meri
long noken
kisim sik, yu
rausim laip
bilong
wanpela
bebi.**



unicef 
unite for children



Saving Lives from Tetanus infection



Tetanus bilong Nupela Bebi



Tetanus em i save kamapim birua

Tetanus em i wanpela sik nogut i save pulim ol masol bilong bodi na mekim i tait na kamapim bikpela pen we i nap long pasim win paip na kamapim dai. Tetanus long ol nupela bebi i save kamap long taim ol i katim rop bilong bilum bilong mama wantaim resa o naip i doti, o long taim sua i kamap long as bilong rop bilong bilum bilong mama taim ol i no yusim klinpela banis long pasim sua.

Tetanus i ken kamap long nupela bebi 3-pela de bihain long mama karim ol na i ken kamapim dai long namba 8 de. Tetanus long mama i save kamap long ol meri nau tasol i karim bebi sapos ol i no stap long klinpel hap bilong karim bebi na tu ol lain i helpim ol i no yusim ol klinpela samting. Mama tu i ken dai long taim em i kisim sik tetanus. Ol meri i gat moa sans long kisim sik tetanus long taim bilong karim bebi.

Gutpela we bilong lukautim ol lain i noken kisim sik tetanus em long givim sut na marasin bilong banisim ol, nau mipela kempein long em insait long nesen long olgeta yanpela meri na bikpela meri krismas bilong ol namel long 15 na 45 wantaim ol mama i gat bel long kisim sut na marasin. Gol bilong dispela Kempein i bilong hariapim rot wok bilong stopim sik tetanus

long ol nupela bebi i bon na mama i banisim em yet pinis long dispela sik tetanus.

Mama kisim dispela marasin bilong banisim em, bai em i banisim tu nupela bebi taim em i karim.

Sapos wanpela meri i gat bel, em i mas kam long kisim Tetanua Toksoid marasin long taim ol helt wokmanmeri i wokim imunaisesen long de bilong mama na bebi klinik de long ol klinik.

Taim ol meri i stap yangpela yet na stat long kisim marsin bilong banisim ol yet, ol i gat bikpela sans long bai ol i noken kisim tetanus long taim ol i stat long karim bebi.

Tetanus Toksoid marasin em i seif long olgeta meri. Dispela marasin bilong banisim ol meri long sik tetanus i no save stap laip oltaim long bodi bilong ol meri taim ol i kisim pinis, nogat, em i save pinis long sampela taim bihain. Olsem na ol meri i mas kisim yet dispela marasin long taim ol i gat bel.

Ol pikinini man na meri krismas bilong ol aninit long 1 yia i mas kisim 3-pela taim pentavalen tambu marasin, we i gat Tetanus Toksoid tambu marasin ol i save givim long taim bilong ol pikinini i kisim tambu sut na marasin.



unicef 
unite for children



Saving Lives from Tetanus infection

Rausim Sik Tetanus

LONG yia 2000, Papua Niugini i bin mekim komitmen long sapotim wanpela wok agrimen long inapim olgeta ol Milenium Developmen Gol pastaim long 2015.

Wanpela long ol dispela bikipela komitmen, em long pinisim na dai bilong ol mama na ol nupela bebi long ol sik we i gat banis bilong ol, pastaim long pinis bilong yia 2015.

Dispela kain ol hevi bilong sik i ken bagarapim tru ol namba wan risos bilong yumi, ol pikinini.

Tasol i kam inap dispela yia, i gat wanpela yia tasol i stap long inapim dispela tok promis.

Papua Niugini i stap yet olsem wanpela long 28-pela kantri husat i resis yet long bansim ol nupela bebi na mama bilong mipela long kisim sik tetanus pastaim long 2015.

Long inapim dispela tok promis, Ministri bilong Helt i karimaut wanpela nesenwait Saplementari Imunaisesen Ektiviti bilong tripela hap dos bilong Tetanus Toksoid banis sut, olsem hap bilong ol wok belmama na pikinini helt autris.

Namba wan raun bilong dispela banis sut i bin kamap long mun Epril i go Me long 2012, na bihain mipela i

lukim namba tu raun long Oktoba i go Disemba long 2012. Namba tri na laspela raun i kirap pinis long Jun 17, na bai ron i go inap Julai 26.

Inap long 1.8 milian meri husat i ken karim pikinini, na olgeta belmama, husat i gat namel long 15 na 45 krismas, i kam aninit long dispela wok bilong givim banis sut insait long olgeta 89 distrik bilong kantri.

Ol namba i kam bek bihainim namba tu Tetanus Toxoid wantaim banis sut i go long ol belmama long ol entinetal klinik long Me 2013, i soim olsem planti, na klostu olgeta distrik insait long 20 long 22 provins, i bin inapim aninit long 50 pesen. Wanpela long faipela distrik tasol inapim 50 i go inap 80 pesen.

Dispela i minim olsem bikipela namba long ol nupela bebi long kantri i nogat banis long kisim sik tetanus taim mama i no kisim banis sut.

Ol mama husat i kisim dispela banis sut, i save givim dispela banis i go long ol nupela bebi long taim bilong karim.

Long inapim banis bilong olgeta nupela bebi na mama, pastaim long 2014, dispela namba tri Tetanus Toxoid Kempen i mas inapim taget bilong em long kamap long olgeta meri namel long 15 na 45 krismas, na ogleta belmama long kantri.

unicef

Saplementari Imunaisesen Ektiviti (SIA) bilong Tetanus Toxoid (TT) em wantaim samting?

DISPELA kempen em i sans bilong ogleta meri, na ol belmama, namel long 15 na 45 krismas, long kisim banis sut na banis agensim sik tetanus.

Planti nupela bebi na mama i save dai long dispela sik, maski i gat banis sut bilong en.

Kempen i ron long tripela hap:

Namba 1 Raun i bin kamap long Epril – Me, 2012;

Namba 2 Raun i bin kamap long Oktoba – Disemba, 2012; na

Namba 3 Raun nau i kamap namel long Jun 17, na Julai 26, dispela yia.

Bihain long namba wan na namba tu raun, olgeta meri, wantaim tu ol belmama, i mas kisim wanpela dos TT banis sut na bai ol i gat tripela dos long TT banis sut bihain long laspela raun dispela mun.



Sik Tetanus em i wanem samting?

TETANUS em i wanpela strongpela sik i save pulim taitim ol masol na pasim ol hanlek bilong man, na i ken kilim man i dai.

Tetanus i save kamap long wanpela binatang nogut, ol i kolim Clostridium tetani. Dispela binatang i save groa taim i nogat win i stap, olsem long ol sua i no klin, o sapos

ol i katim rop bilong bebi wantaim samting i no klin.

Dispela binatang Clostridium tetani i save kamapim ol pikinini we i hat tru long kilim, na o li ken gat banis long hat na planti ol marasin.

Ol dispela binatang i stap insait long graun na long ol bel na pekpek bilong planti ol fam enimal na man

tu. Ol binatang i save go insait long bodi long ol sua long skin o taim skin i bruk.

Tetanus i no save kalap long wanpela man i go long narapela, tasol mama o bebi i ken kisim sapos ol i yusim doti sisis o naip o mambu bilong katim rot bilong bebi.

Long namba wan bikipela han-

mak bilong tetanus, namba wan mak em ol masol bilong bun long maus i save tait, na nek i save tait, na i save painim hat long daunim samting. Ol masol long bel tu bai tait nating.

Tetanus i ken kamap long ol nupela bebi tripela de bihain long mama karim ol, na i ken kilim ol i

dai. I nogat tritmen bilong tetanus taim wanpela i kisim pinis, o soim ol hanmak bilong en. I gat ol tritmen bilong daunim ol hevi bilong sik. Long ol nupela bebi, namba wan 'tritmen' em long givim ol banis long ol banis sut bilong TT, long belmama, bilong givim banis long em tu.

Sapos meri namel long 15 na 45 krismas i kisim namba wan banis sut long TT3, em bai gat banis?

Yes. Em bai gat banis. Sapos em i bel, wanpela meri i ken kisim moa dos long taim bilong imunaisesen taim em i kisim entinetal halivim na glasim.

Olsem wanem long ol meri i no kam long ol TT raun?

Ol meri husat i kisim bel i mas kisim wanpela TT banis sut long ol imunaisesen program long ol helt klinik o haus sik i stap klostu long ol.

Watpo na olgeta meri, wantaim ol belmama namel long 15 na 45 i mas kisim banis sut?

Sapos meri i stat kisim ol TT banis sut taim em i yangpela yet, em bai gat mobeta sans long kisim olgeta banis mak long taim em i ken karim pikinini.

Givim banis bilong TT long olgeta meri taim ol i yangpela yet, bai givim moa sans long ol nupela bebi agensim dispela sik.

Nambawan banis bilong wanpela nupela bebi long sik tetanus, em i kam long mama i gat strongpela banis. Sapos ples na pasin long taim mama karim i no klin na gutpela, mama na pikinini wantaim i ken bungim birua.

Olsem na i nogat nid long wet inap meri i ken karim pikinini, long statim ol TT banis sut bilong en.

Watpo na dispela ol TT banis sut program i sut moa long ol meri. Na ol mangi?

Long dispela TT kempen, ol meri tasol na ol belmama i stap long en, bikos long bikipela moa sans ol i gat long bungim birua.

Olgeta pikinini aninit long wanpela krismas, i save kisim tripela dos long pentavalent banis sut we i gat TT banis sut long en, long ol pikinini imunaisesen.

Olsem na ol mangi bai kisim TT banis sut insait long ol banis sut program bilong olgeta pikinini, pastaim long ol i painim namba wan krismas bilong ol.

Klinpela rot bilong karim i ken banisim ol nupela bebi na mama long sik tetanus, olsem wanem?

Ol klinpela pasin na sef rot na pasin bilong katim rot bilong bebi i ken daunim rot bilong sik i painim bebi.

Dispela tripela klinpela rot bai inapim klinpela karim:

- Sapos han bilong midwaif o wasmeri i klin;
- Sapos karim i kamap long ples i stap klin, olsem wanpela helt senta;
- Kipim rot i klin na i stap drai.



Tambu long smuk long ol pablik ples

... Asua ken pulim namel long K500-K1,000 mekimsave

OL manmeri i brukim loa na smuk long ol pablik ples we gavman i putim tambu long ol bai peim fain namel long K500 na K1,000.

Sekreteri bilong Helt, Pascoe Kase, i tok dispela i bihainim wampela loa gavman i gasetim o tok oraitim pinis long gaset namba 92/2013, we i tambuim pipel long smuk long ol pablik ples.

Em i tok hap long loa ya i kam aninit long Seksen 10 (1) bilong Tobako Prodak (Helt Kontrol) Ekt 1987 we i tambuim smuk long ol pablik ples olsem, olgeta PMV na ol teksi, Olgeta kar bilong gavman, ol bot na dispela bilong ol ami, ol ples balus eria, ol restron na olgeta ples kaikai, ol beting sop, ol supamaketa na ol stoa, insait lon g ol hotel,

klab, ba, tasol ol open eria we ol hotel i karim olsem hap bilong smuk long en, ol opis na hap bilong wok long pablik na praiwet sekta, na olgeta skul o edukesen ples.

Dispela loa i tambuim olgeta PMV na teksi draiva, na ol dispela bilong ol gavman kar na ol sip long noken smuk.

Wankain tambu i go long ol pasindia i stap insait long ol dispela kar, teksi, bot na balus.

Nesenel Eksekutiv Kaunsel i wokim dispela loa long lukautim helt na sefti bilong ol pipel i stap insait long ol kar na sip i wokim ron bilong ol.

“Sapos wampela man o meri i brukim dispela loa, em bai peim K500. Na long ol bikipela kampani, ol bai

peim K 1,000.

“Ol lain i no peim ol dispela manimak bai go long kalabus inap long 12-pela mun,” Mista Kase i tok.

Mista Kase i tok moa olsem ol propeti na ol pablik propeti ples we ol i putim tambu long ol aninit long loa em ol i mas putim sainmak i soim olsem ol i tambu long smok long ol.

Sapos ol i no wokim dispela, ol bai peim fain o fi inap long K500 mak.

Mista Kase i tok Enfosen Yunit bilong Nesenel Rot Sefti Kaunsel wantaim Polis bai lukim olsem ol PMV, ol teksi na ol gavman kar i bihainim dispela loa.

Mista Kase i tok olgeta PMV bas na kar na ol papa bilong ol teksi i mas putim sain it long kar we i gat dispela noken smuk toktok.



Helt Minista sindaun namel, wantaim Enga Gavana long han sut, na Sandaun Gavana long han sut bilong em, wantaim Sekreteri bilong Helt na ol helt na provinsel gavman opisa long taim bilong saining. **Poto: Frieda Kana**

Helt Minista sainim agrimen wantaim Sandaun na Enga Provins

NESENEL Dipatmen bilong Helt i sainim wampela Helt Atoriti Agrimen wantaim tupela provins, Sandaun na Enga, long Fonde 6 Jun 2013, long Crown Plaza Hotel long Pot Mosbi.

Dispela Provinsel Helt Patnasip Agrimen, em minista bilong Helt, Michael Malabag i bin sainim wantaim tupela gavana, Peter Ipatas bilong Enga na Ankap Mai, Gavana bilong Sandaun Provins.

Provinsel Edministreta bilong tupela provins, Sekreteri na Deputi Sekreteri bilong Helt na Wol Helt Ogenaisesen kantri residen mausmani bin stap tu long witnesim dispela bikipela wok kamap namel long Provinsel Edministresen na Nesenel Helt Dipatmen.

Mista Malabag i tok dispela oda bilong Minista long kamapim Provinsel Helt Atoriti bai kamaut long Nesenel Gaset long Disemba 2013. Em i tok dispela helt rifom em ol i bin traim pinis long Westen Hailans, Milen Be na Isten Hailans Provins stat long taim ogavman i bin kamapim tok orait bilong mekim dispela long ya 2001 Nesenel Helt Konfrens long Maun Hagen. Long senisim provinsel helt sistem. Ol dispela provins nau i kisim agrimen pinis i bin kamapim gut wok bilong ronim pablik helt na kuretiv helt sevis aninit long wampela helt straksa olsem hap bilong Provinsel Helt Atoriti Ekt 2007.

Gavman i lukim wok bilong helt long kantri i go daun tru olsem na ol i painim kainkain gutpela we bilong stretim dispela na i lukim olsem sapos ol i yusim Provinsel Helt Atoriti em bai kamapim sampela gutpela senis. Aninit long dispela lo, bai i nogat planti rot blok long karim aut wok bilong helt long ol provinsel, distrik na rurel helt sevis i go long sevim ol pipel

“Mi tok tru long yupela olsem dispela “Wampela sistem tasol” em i gutpela sistem bai rausim pasin bilong tupela opis i mekim wampela wok tasol, na i mekim wok i no ron gut na long menesmen bilong helt sevis long go aut bai i kamap gut moa,” Mista Malabag i tok.

Dispela agrimen i putim klia wok bilong nesenel gavman na provinsel gavman long we bilong polisi na sevis bilong atoriti, ol wokmanmeri, ol aset na mani, toksave bilong senisim we bilong wok, monitoring na ivaluesen.

- Ol arapela bikipela hap bilong agrimen em long Provinsel Edminitreta bai givim wok bilong lukautim na supavaisim ol provinsel na distrik helt wokman meri, i go long Sif Eksektiv Opisa (CEO) bilong Provinsel Helt Atoriti.
- Makim bilong ol dipatmen na lokal medikel atoriti representative
- Wampela baset tasol bi long olgeta haus sik, klinik na ed pos.
- Provinsel Edministresen bai givim ol aset bilong helt i go long provinsel helt atoriti
- Provinsel na distrik plen bilong wok.
- Wok bilong Monitoring na ivaluesen.

Aninit bilong dispela rot, Sif Eksektiv Opisa (CEO) bilong Provinsel Helt Atoriti bai kisim luksave olsem wampela Het ov Dipatment na em i ken yusim wankain pawa olsem ol dipatmen sekreteri long mekim wok bilong makim na rausim ol wok man meri aninit long Pablik Sevis Menesment Ekt na arapela wok bilong mani aninit long Pablik Fainens Menesmen Ekt.

Nau em i min olsem ol wok bilong ol mediikal opisa, dokta, nes na ol save lain bilong marasin bai i no nap stap tasol long

ol bikipela haus sik nogat ol bai i serim wok wantaim ol distrik haus sik na helt senta insait long provins.

Sistem bilong helt long provins bai i no nap gat planti wok hat tumas nau bikos sistem bai i gat wampela bot of gavenens; wampela menesmen straksa, wampela fainensel na akauntin sistem, wampela pepomens monitari na wampela klia lain bilong ripot na akauntabiliti i bihainim rot bilong Pablik Sevis Menesment Ekt na Pablik Fainens Menesmen Ekt.

Mista Malabag i salensim ol arapela povins na NCD long lukim piksa bilong ol gavana bilong Enga, Sandaun, Wes Nu Briten na Manus na Provinsel Gavman bilong ol long i go pas long dispela bikipela wok.

“Long pinisim tok, mi singaut long ol gavana bilong ol narapela provins long mekim wankain na givim tok orait bilong ol long kamapim Provinsel Helt Atoriti (PHA) long ol provins bilong ol. Mir ait pinis long olgeta honorebel gavana olsem mi redi long sanap wantaim ol long wok bilong kamapim PHA long ol provins. Tasol, dipatmen bilong mi i toksave olsem, ol i plen long bringim dispela PHA i go long Sauten Hailans, Morobe, Oro na is Sepik Provins long ya 2014 tasol ol yet bai tok orait na wok bai stat,”

Em i tok.

“Kongretulesens long Honorebel Gavana bilong Enga, na Sandaun long sainim Provinsel Helt Patnasip Agrimen long larim wok bilong kamapim Provinsel Helt Atoriti i stat. Mi laik tok tenkyu tu long tupela gavana bilong Westen Hailans, Isten Hailans na Milen Be long helpim ol i save givim yet long ol provinsel helt atoriti long provins bilong ol,” Mista Malabag i tok.

Korofeigu komyuniti kisim wara saplai

KLOSTU long 3,000 pipel long rurel Korofeigu eria insait long Isten Hailans Provins i ken kisim gutpela na seif wara bilong dring, kuk, waswas na yusim long laip bilong ol olgeta de.

Dispela i kamap wantaim sapot bilong PNG Sasitenebol Developmen Program (PNGSDP) we i givim K317,024, Isten Hailans Provinsel gavman i givim K300,000, Unggai Bena Distrik i givim K15,500 na pipel bilong Korofeigu i putim wantaim long kamapim gutpela na seif wara saplai na ol toilet long 2,933 pipel bilong ol komyuniti long Korofeigu.

Projek bai helpim mak

long 1,115 famili long eria.

Sif Eksekutiv Opisa (CEO) bilong PNGSDP, David Sode i tok amamas long ol projek patna long kontribusen bilong ol we bai helpim long kamapim gut helt, haijin na gutpela sindaun bilong ol pipel long Korofeigu komyuniti.

“I gat mak long mani helpim mipela i save givim long ol komyuniti na olsem, mipela save glasim na sekim level bilong kontribusen long ol lain i kisim helpim.

“Mipela i wanbel long kontribusen long komyuniti, provinsel na distrik baset o mani plen.

“Mi bilip olsem dispela

projek bai kamapim gutpela samting na helpim ol pipel. Sapos ol dispela kain projek i helpim long daunim ol pipel i save sik na go long haus sik long kisim marasin, ol ol sik we deti na nogut wara i save kamapim, mi ting olsem yum i putim mani long gutpela samting,” Mista Sode i tok.

Ol bin sainim ol agrimen long fandim dispela projek long las wik.

Ol ples bai kisim helpim long dispela gutpela wara projek em long Kravivo, Bush Bata, Haiwe Bata, Nupa, Murito, Beneveto, Nagamito, Korfeigu Paimer skul, Foaskwea Misin Baibel Kolis na helt senta.



SAINIM: Isten Hailans Gavana, Julie Soso na ol lain bilong em i sainim agrimen bilong wara projek wantaim ol lain i makim PNGSDP.



TOK PISIN NEWS
from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHz)

7pm - 9pm 5995; 6020; 9710; 1280(KHz)

Sekan i no bihainim tingting...



PRESIDEN bilong Amerika, Barack Obama, na Presiden bilong Rasia, Vladimir Putin, i sekan na smail long taim tupela i sindaun bung long G8 Samit long Lough Erne long Enniskillen, Noten Ailen, long Mande dispela wik. Tupela man i bin bilip long toktok long hevi i bungim kantri Syria, tasol tupela i gat narakain tingting long en. Wanpela samting tupela i tok wanbel long en, em ol i laik lukim pait i mas pinis.

PNG Sir Paulias laikim yangpela soim rispek

BIPO Papua Niugini Gavana Jeneral, Sir Paulias Matane, i tok i gat bikipela nid bilong ol yangpela sitisen i soim rispek long ol bikmanmeri.

Sir Paulias i tok i gat bikipela wari long wanem em i lukim planti kriminal o raskol pasin i kamap long Papua Niugini nau.

Em i tok makim mama loa bilong kantri olgeta samting ol i mekim, i mas kam aninit long kristen pasin.

Dispela long wanem mama loa i tok PNG em i kristen kantri.

Sir Paulias i tok long wanem ol pipel i no soim

Dispela long wanem mama loa i tok PNG em i kristen kantri.

Sir Paulias i tok long wanem ol pipel i no soim rispek long ol yet, na i gat ol kain raskol pasin olsem reip, kilim narapela, man i paitim meri. Em i tok ol dispela

pasin nogut i no wanbel wantaim tising bilong sios.

PNG Bogenvil bisnis sekyuriti

OTONOMAS Bogenvil Gavman bai kirapim wanpela sekyuriti kampani long halivim polis long loa na oda long rijen.

Long Fraide i go pinis, Presiden John Momis bilong Otonomas Rijan bilong Bogenvil, i bin tok ol Saina na arapela pipel bilong ol i brukim loa na i go statim bisnis long rijen.

Dispela tokaut bilong em i bin kamap bihain long ol tok-tok olsem, ol forena, na ol Saina bai liklik taim kisim kontrol long ol liklik bisnis, moa yet long Buka taun.

Presiden Momis i tok, nau Otonomas Bogenvil Gavman i rereim invesmen koud na bai pasim olsem loa long miting bilong ABG long mun Septemba.

Tu, olsem long wik i go pinis, ABG nau i wok wan-

taim wanpela sekyuriti kampani bilong Australia long halivim na kisim wanpela sekyuriti kampani long Bogenvil long wok wantaim polis.

Ol i painim sikspela bot kru bilong Solomon Ailans

OL i painim sikspela kru man bilong bot bihain long ol i stopim wok bilong painim ol long solwara bilong Solomon Ailans bihain long wan wik.

Wanpela bikipela kago sip bilong narapela kantri i bin painim na sevim laip bilong sikspela kru antap long wanpela liklik laip bot.

Ol i bin drip antap long solwara bilong Solomon Ailans long wan wik, pinis pastaim long ol i sevim ol long nait i go pinis.

Bikipela kago sip i bin painim na kisim ol i go long Honiara kapitel bilong kantri na i kamap bihain long wok ses na reskiu i bin pasim olgeta wok bilong painim ol

kru memba.

Ol nau i sekim ol na kisim tritmen long Solomon Ailans Riferal Haus sik.

Ol i karim ol dispela sikspela kru i go long Solomon Ailans Riferal Haus sik bilong ol dokta, long sekim kondisen bilong ol.

Komisen ripot tok 80 pesen fosil fiul rise f i mas stap aninit long graun

NUPELA ripot bilong Klaimet Komisin i tok 80 pesen bilong ol fosil fiul rise f long olgeta hap bilong wol i mas stat aninit long graun sapos planet i ken nap long abrusim bikipela hevi i kam wantaim klaimet senis.

Pepa i tok i gat nid bilong holim daun imisen long narapela tenpela yia i kam bilong holim ol tempresa o mak bilong hat na kol, long lukim em i stap long gutpela mak.

Man i raitim ripot, Profesa Will Steffen, i tok em bai wanpela salens long kisim mak ol i laikim, long wanem

long nau, grinhaus ges mak nau i stap long namba wan bikipela level bilong en.

Em i wok i gat nid bilong stretim rot bilong kamapim mani wantaim nogat kabon imisen long ol wok insait long narapela 30 o 45 yia, nae m i as long ol pipel i mas luksave olsem ol namba i klia na isi long luksave.

Profesa Steffen i tok ol i mas lusim planti ol fosil fiul aninit long graun, na i tok i tru i gat hevi bai kamap long ol toktok bilong invesmen insait long narapela tenpela yia i kam.

Amerika tok ol toktok bilong Not Korea i mas stret

AMERIKA i tok em bai stap insait long ol toktok wantaim Not Korea na bai luksave ol eksen bilong gavman, na i no long ol stetmen long em i laikim ol toktok.

Wait Haus Sif ov Staf, Denis McDonough, i tok wanem kain ol toktok ol i holim, i mas go stret long tingting em ol inap toktok tasol, na abrusim ol tambu i stap pinis, em ol tambu Rasia i sapotim na bikipela moa long en, em Saina i givim sapot long ol.

Mista McDonough i tok ol hevi nau i wok long kamap bikipela antap long peninsula bihain long Not Korea nuklia tes long mun Februari em i bin statim ol tambu bilong Yunaitet Nesens em i bin statim strongpela toktok kros i kam long Not Korea gavman, namel long ol tok luksave long karim aut nuklia atek long Saut Korea na Amerika.

Ol i bin kanselim wanpela hai level miting namel long Not na Saut Korea long Jun 12 na 13.

Tasol pawa ful Not Korea Nesenel Difens Komisin i bin putim aut wanpela stetmen em stet midia i tok ol i laikim ol toktok wantaim Amerika.

Stetmen i tok ol i laikim sinia level toktok namel long Not Korea na Amerika bilong daunim ol bel hevi antap long Korean Peninsula na lukim olsem i gat pis na sekyuriti long rijen.

Stetmen i go het na tok, Not Korea i laikim toktok long gut na stret long ol kain kain isiu olsem long bildim wanpela wol we bai i nogat nuklia wepen o pait bom, long en, em Presiden

Barack Obama i promotim, na i askim Amerika long makim taim na ples bilong holim ol toktok.

Tasol Caitlin Hayden, mausman bilong Nesenel Sekyuriti Kaunsil, i tok i tru Amerika i op long ol toktok wantaim Not Korea, gavman bilong em i mas bihainim Yunaitet Nesens Sekyuriti Kaunsil resolusen, na i mas agri o tok wanbel long pinisim ol wok bilong em wantaim nuklia pait samting.

Ol nupela tingting i kamap taim ol i putim moa presia i go long Not Korea gavman long lusim na pinisim olgeta ol samting bilong pait i kam nuklia.

Ol man i makim wok bilong nuklia long Amerika, Saut Korea na Japan, bai holim miting long Washington long Trinde bilong toktok long ol we bilong statim gen ol siks nesen nuklia disamamen toktok bilong Not Korea.

Singaut long Labor Kokus long toktok long polisi

DEPUTI Praim Minista bilong Australia, Wayne Swan, i wok long askim strong Labor Kokus long putim olgeta tingting bilong ol long polisi, long taim ol i wok long redi long holim ol laspela miting bilong palamen, pastaim long ileksen i kamap.

Long wiken, sampela long ol sapota bilong Kevin Rudd long Labor bekbens, John Murphy na Darren Cheeseman, i bin wok long mekim ol toktok long em ol i makim em gen long kamap lida bilong Labor Pati.

Deputi Praim Minista Wayne Swan, i tok planti toktok tumas ol i wok long mekim long tingting bilong en nau long polisi em bai ol mas toktok long en i go long pipel bai vot long en.

Taim em i toktok bihain long wanpela sariti fan ran long Brisben long Mande moning, Kevin Rudd i tok Labor i mas bihainim Tony Abbott long wanem kain ol toktok em i mekim long ileksen olsem long mekim pipel long vot long pati bilong em long ileksen de.

Palamen bai sindaun dispela wik, em laspela taim inap tupela wik pastaim long ileksen.

PacificBEAT

4, 5, 6am & 4pm, 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



KOMENTRI

Watpo na PM i mauspas long Wes Papua hevi?

WATPO na yumi no harim ol strongpela askim i lusim maus bilong Praim Minista Peter O'Neill, taim em i go krungutim Indonesia dispela wik.

Planti manmeri nau i wok tingting planti long bilip na bel tru bilong praime minista na nesenel gavman. Ol manmeri bilong yumi i no moa aipas long ol hevi ol brata na susa bilong yumi long Wes Papua i wok long bungim.

Sosol midia, o intanet, i no save stap isi long hevi bilong ol Wes Papua aninit long han bilong Indonesia. Na taim kantri i harim olsem Praim Minista Peter O'Neill bai raun i go long Indonesia, planti manmeri i bin askim, 'em bai tok wanem long Wes Papua'.

Nau yumi save pinis. Praim Minista bilong yumi i no givim luk-save long Wes Papua hevi na dai long han bilong Indonesia.

Watpo na em i no askim Susilo Bambang Yudihono long hevi i stap long Wes Papua? Sapos yumi glasim gut ol arapela bikpela toktok i kamaut long raun bilong PM na gavman i go long Indonesia, i luk olsem maus bilong gavman bilong yumi i hevi long mani na ol bisnis kontrak i kamap namel long yumi na Jakarta.

Sapos ol i bin raun i go long Jayapura, bai ol i lukim stret pret long ai bilong ol manmeri bilong Wes Papua.

Yumi long PNG i ken wokabaut na apim het. Lukluk stret long ai bilong ol arapela manmeri bilong ol arapela kantri, na sanap strong long bilip olsem yumi ol PNG, yumi gat ples, yumi gat graun, na yumi gat kalsa we i strong na stap fri yet.

Ol Wes Papua, i no wankain. Sapos yu wokabaut long Jayapura, na yu bungim ol Wes Papua manmeri, bai ol i no inap tru lukluk stret long pes bilong yu na toktok long yu.

Pasin pret, em i no samting i save painim ol sotpela taim tasol, na bihain lusim ol.

Nogat. Pasin pret i stap long blut bilong ol pinis, na maski i sindaun na wokabaut long asples graun bilong ol yet, ol i stap olsem ol wairamanmeri. I tru olsem kain ol wokbung namel long mipela na ol kantri i save gat strong bilong bringim moa gut taim long yumi. Tasol watpo na mani i mas pasim maus bilong yumi, long ol pasin nogut na bagarapim i wok kamap long hapsait bilong boda bilong yumi stret.

Yumi olgeta i save long hevi bilong ol Wes Papua. Planti lain manmeri bilong ol i bin ronawe lusim ples na kam sindaun na kirapim ol famili bilong ol long graun bilong yumi.

Watpo na yumi no inap givim wankain luksave long ol, olsem yumi givim long ol asailam sika i kam long Australia na pulapim Manus provins bilong yumi stap?

Planti samting, nau i wok long kamap ples klia, long bel bilong gavman bilong yumi.

Yumi noken aipas long en.

Sapos lida i tokim yumi wanpela tok, na go na tokim ol arapela narapela tok, bai yumi tok wanem long tok bilong en. I gat hevi, o i ron antap long tang tasol bilong kolim bel na pasim askim?

ANZ lonsim Mobail Benking

Stanley Nondol i raitim

ANZ Benk i nau joinim Mobail Benking resis long mekim benking sevis go long bikpela populesen long kantri, na tu, mekim benking isi long ol kastoma bilong em.

Sif Eksektiv Opisa bilong ANZ Benk, Mark Baker, taim lonsim ANZ Mobail benking long dispela wik, i tok ANZ Go Mani em nupela program benk i kamapim long mekim isi long ol kastoma long salim mani go long famili na pren, peim bils, mekim top up long mobail pon na tu sekim balens yusim Digicel Mobail pon.

Dispela tu bai lukim ol kastoma i ken mekim kes disosit na witro na dispela tu sevim taim we ol kastoma bai nogat nid long go long benk na sanap long lain olsem bipo.

Mista Baker i tok ANZ benk i sapotim plen bilong gavman long lukim olgeta pipel long kantri i go insait long liklik bisnis na dispela ANZ Go Mani bai givim bikpela sans long ol pipel long rurel eria i ken mekim benking long ples yet.

Mista Baker i tok dispela



Sif Eksektiv Opis bilong ANZ Benk PNG, Mark Baker, i mekim toktok long taim bilong ANZ Go Mani long Pot Mosbi.

em i seif tru, long wanem, ol kastoma bai nogat nid long karim kes mani raun. Ol ken mekim benking na tu baim ol stoa samting

yusim mobail pon. Em tok ANZ tu bai mekim isi long ol kastoma ken opim benk akaun we em tok ol benk wok manmeri bai go raun

long opim akaun na bai helpim ol kastoma long rejista long Go Mani.

Mista Baker i tok dispela bai lukim planti pipel husat nogat nogat akaun o i no save mekim benking bai yusim dispela sevis wantaim mobail pon.

Long wankain taim, Gavana bilong Benk bilong Papua Niugini o BPNG, Loi Bakani, tok bikpela amamas long ANZ benk long kamapim dispela Mobail Benking na tu ol arapela benk long kamapim wankain program, em long givim sevis long ol pipel long rurel ples.

Mista Bakani tok BPNG tu bai go pas long sapotim Mobail Benking long givim sevis long ol pipel stap long ples.

Sif Eksektiv Opisa bilong ANZ Pasifik, Vishnu Nohan i tok dispela i makim bikpela komitmen we benk i gat long givim gutpela sevis long ol pipel long ples. Em tok 75% bilong pipel long Pasifik i no gat akaun o yusim benking sevis. Em tok dispela ANZ Go Mani bai helpim ol tu long yusim sevis olsem disosit, witro, na tu baim ol samting long stoa wantaim mobail pon.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500
Websait: www.wantokniuspepa.com
Pe bilong wanpela yia, 52 niuspepa

**Pe bilong wanpela yia
52 niuspepa**

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Pt
Section
Office 2

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

WOLNIUS LONG POTO...

1. Australia go insait long 2014 Wol Kap

JOSH Kennedy bilong Australia Socceroos i amamasim gol bilong em long winim gem agensim Irak long Olimpik Stedium long Sidni long Tunde dispela wik. Australia nau i go insait long Wol Kap. Australia i bin winim Iraw 1-0 long wanpela strong-pela pilai long Sydney Olympic stadium long nait igo pinis. Win bilong socceroos ibin kamap long 83rd minit wantaim header ikam long substitue Josh Kennedy. Long dropped poins i bin nap lukim seken ples Australia i pinis long namba tri posisen long Grup B na fesim ol kain kain hevi long ol kwolifai, tasol win i bin lukim Socceroos bukim tiket bilong ol i go long namba tri Wol Kap tonamen bilong ol.

2. Brazil lukim ol namba wan bikpela protes insait long 20 yia

INSAIT long dispela yia tasol, kantri Brasil i wok long lukim ol bikpela ol protes agensim planti ol belhevi i kamap namel long ol pipel long pasin na ol disisen bilong gavman bilong en. Ol protes nau i wok long kamap, i bikpela moa, winim olgeta ol arapela kain protes i kamap bipo.

3. OL monsun haiwara kamapim hevi long India

OL sekyuriti man bilong India i stiaim ol manmeri taim ol i sanap long hap rot i stap yet long arere bilong Wara Alaknanda insait long Chamoli distrik long noten India stet bilong Uttarakhand dispela wik.

4. India monsun haiwara kilim 64 pipel

SAMTING olsem 64 pipel i dai pinis, na planti tausen manmeri i nogat rot long kisim halivim bihain long ol monsun ren i kamapim haiwara hevi na graun bruk long India.

5. Eiffel Tawa long ol kas

BRYAN Bryan, man husat i holim wol rekot long bildim samting wantaim ol kas, 12-pela taim, i pinisim namba wan bikpela haus ol i mekim long sanapim ol kas long Sidni, Australia long Mande. Dispela haus Bryan i mekim bihainim Eiffel Tawa long Paris, i sanap 3.9 mita, na i yusim 75,000 kas. Em i bildim bihain long moa long 120 awa na 15 de.



Autim belhat long G8 kibung

OL protesta i werim ol mask i soim pes bilong ol G8 lida na protes agensim pasin bilong abrusim takis long taim G8 Samit i kamap long Enniskillen, long Noten Ailan, long Mande dispela wik.

Divevelopmen i senesim laip bilong hauslain

Mathew Yakai i raitim

DISPELA wik Mande mi kirap long bet bilong mi long 3 kilok moning na lukim TV i on yet. BBC TV nius i ripot olsem nupela Presiden bilong Iran em ol i makim na planti saveman i ting olsem em bai senisim foren polisi na militari polisi bilong Iran long sait bilong nuklia wepon.

Mi senisim sanel i go long ABC News bilong Australia i toktok long Asian Ekonomi we i kamap strong tasol i gat planti salens tu i stap na olgeta kantri insait long rijin i mas kisim was.

Bihain, mi senesim sanel i go long CCTV English sevis program long kalsa ekspres ripota ya i tok-tok long ol kain kalsa na pasin bilong ol Saina.

Long 5 kilok mi senesim sanel i go long EMTV na Nesinel Entem bilong PNG i kamap we i soim olsem stesin i op long brodkas.

Rum ya em i no long wanpela hotel. Dispela em long Kurumbukari main ples we Ramu NiCo i dikim nikel na kobalt na salim i go long Basamuk. Rum mi silip na kirap em Ramu NiCo i wokim bilong ol wokman na meri long silip long taim bilong wok.

Ol haus bilong silip i sanap antap long maunten bilong KBK, mak long 600 i go 800 mita antap long solwara. You sanap antap long akomodesin ples o ples bilong silip na lukluk i go daun bai yu lukim bikipela wara Ramu i ron olsem snek antap long weli bilong Ramu.

KBK main i stap insait long Usino-Bundi Elektoret, wanpela bilong ol tarangu ples we i no save gat bikipela gavaman sevis inap Ramu NiCo i bin kam insait long 2003. Taim ol lain Saina i bin kamap, nogat rot, pawa, wara saplai na ol bikipela gavaman sevis. Ol i bin hairim ol asples lain long karim planti samting taim ol i kamap fest taim. Ol i bin burukim weli long Usino, na brukim bikipela wara Ramu, na kalapim bikipela maunten na kamap long KBK we main i sanap tete.

Nogat Digicel fone signal long dispela taim. Nogat TV na nius pepa. Gavaman i no gat han mak stret.

Long 2006 i kam tete, KBK nau i gat bikipela senis insait long maunten stret we bipo i gat ol wail abus tasol. Taim mi kirap long bet bilong mi long Mande, bet ya i gat gutpela matres, TV, lait, kapbot, ples bilong waswas, toilet na pawa. TV ya i gat planti sanel bilong ol wait man tu.

Mi go arasait long rum na mi lukim long arere bilong kemp eria i gat ol bus na wail samting i krai yet. Mi kisim gutpela tingting bilong wanem, mi kirap long rum bilong mi we i gutpela tumas, lukim TV we i kisim stret ol bikipela nius long wol, na taim mi go aut long rum, bel bilong mi i gat bikipela peace bilong wanem bus na abus bilong bus i singaut yet.

Ating planti nupela manmeri na wok lain bilong Ramu NiCo i mas gat kain tingting na filings tu. Planti

lain long taun i no gat sans long kisim ol planti TV sanel na save long ol bikipela nius insait long wol tasol ol wok lain bilong Ramu NiCo long KBK na basamuk i gat gutpela sans stret. Ol kain bikipela nius i ken givim ol gutpela tingting na bai ol i ken gat gutpela save long mekim gutpela disisen long laip bilong ol na i no olsem bipo.

Na long KBK tu ol pipel i gat gutpela sans long ron long gutpela rot long main ples i go long Usino Jansen na kisim PMV i go long Madang or Ramu. OL i gat gutpela Ramu Bris we i bikipela tru insait long kantri. Bipo ol i save kirap long moning na wokabout long 3-pela dei long kamap long Usino Jansen tasol tete ol i ken go long moning long taun na kam bek long abinun.

Ol pipol bilong KBK insait long Bundi i no stap moa long tudak. Ramu NiCo i bin bringim bikipela senis i go insait long ples bilong ol na tete ol i gat bikipela sans long wok long main, kisim pei, na senisim laip bilong ol.

Bihain long 20-pela yia taim Ramu NiCo i stap insait long Bundi na KBK, i mas gat bikipela bilip long olgeta pipol olsem ol yet i bai wok hat na senisim laipstail bilong ol.

Taim Ramu NiCo i klosim main bai ol i ken sanap long tupela lek bilong ol yet na i noken go bek long taim bilong tumbuna. TV signal, mobail signal, rot, bris na ol bikipela na gutpela senis i mas stap yet.

Gavaman tu i mas gat plen tete long Ramu NiCo main closure we long taim main i pinis bai ol pipol bilong KBK na Bundi i bai gat gutpela sindaun. Na KBK i mas noken kamap olsem wanpela hap ples we i pulap long ol hap brukbruk simen na ain. KBK na Bundi i mas groa strong na bikipela long bihain taim.



Nupela Presiden bilong Iran i kamap long BBC TV insait long rum bilong mi long KBK Main.



Haus bilong ol wokmanmeri long silip long Basamuk Rifaineri.



Haus-slip bilong ol woklain bilong Ramu NiCo long KBK. Piksa em ol i kisim long helikopta.

TORO



BIABIA



KANAGE



TOKWIN

**Polis Greduesen kam
gut, tasol....**

Long Fonde laswik, ol yangpela kadet i greduet long Bomana Polis kolis. Mi lukim olsem ol yangpela i amamas tru na bilas gut tru long pered i kisim luksave bilong ol minista Labi Amaiu na ol arapela bikipela top man bilong polis. Pered i bin kamap long bikmoning tru we planti manmeri na pikinini tu i go lukim ol yangpela bilong ol i greduet.. Tasol long belo nau, san i wok long sain strong na givim hevi long sampela ol greduets.. Planti bilong ol i pundaun long pered yet taim minista i toktok i stap na ol i rasim ol i kamaut long sikbe ananit long wampela diwai we ol i givim wara na rausim su na

kaki klos bilong ol long kisim win..
Mi sore tru long ol..

Tasol ol mas save dispela kain wok i
no isipela wok ol bai mekim. Dispela
i no namba wan birua bai ol i feisim.
I gat planti moa kain birua bai kam
yet na bai ol i feisim long wok bi-
long ol..Yu mas strong na sanap
tasol long pait egens ol korapsen na
kainkain ol hevi na birua...
Kongretulesen long ol yangpela gre-
duets bilong Bomana Polis Kolis..
God i stap wantaim yupela.
Yu mekim PNG i sanap strong moa
yet!!

Det Penalti i kamap,
tasol ol man i no harim
gut yet...

Planti kilim dai nating man i wok
long kamap bikpela yet long ol siti.

Yumi ritim pinis na harim gut pinis
long redio olsem gavman i oraitim
mama loa long Det Penalti.

Tasol long laswik tasol ol birua i
kilim dai nating wanpela man long
Morata na tromoi bodi bilong em
long fran bilong haus bilong wan-
pela man... na long Lae, ol raskol i
kilim dai nating wanpela sumating
long mobail fon bilong em tasol...
Ol birua i no pret long ass bilong
deth penalti.

Ating yumi kilim wanpela trabol
man long pablik na ofim sampela
pastaim..

Hariap na stat wok long det penalti!

Tokwin Tasol...

EMTV Television Guide

10:30 PM MAO SUNDAY NIGHT MOVIE	3:30 PM	GO DIEGO GO	5:30 PM	AMT NEWS REPLAY	6:30 PM	AMT NEWS REPLAY	8:30 PM	GO DIEGO GO
12:00 AM G HILLSONG....Rpt.	4:00PM	LOCKIE LEONARD	6:30 AM G TODAY		10:30 PM G AUSTRALIA NETWORK		4:00PM	LOCKIE LEONARD
12:30 AM G EMTV NEWS REPLAY	4:30PM	MORTIFIED	9:00 AM CLASSROOM BROADCAST				4:30PM	MORTIFIED
1:00 AM G AUSTRALIA NETWORK	5:00 PM G KITCHEN WHIZ		9:00am	Grade 7 Mathematics			5:00 PM G TRICKY TV EP#8 (re-run)	
	5:30 PM G TOTALLY SPIES - EP#5		9:50am	Grade 7 Science		TRINDE JUN 19, 2013	5:30 PM G SKILLICIOUS YR.1 – EP#5	
	5:57 PM G CRIME STOPPERS		10:40am	Grade 8 Mathematics			5:57 PM G CRIME STOPPERS	
MANDE JUN 17, 2013	6:00 PM G EMTV NATIONAL NEWS		11:20am	Grade 8 Science			6:00 PM G EMTV NATIONAL NEWS	
	7:00 PM G NRL ROUND 12		1:00pm	Grade 6 Mathematics	4:57 AM G AUSTRALIA NETWORK		7:00 PM STATE OF ORIGIN BUILD UP #1	
4:57 AM G AUSTRALIA NETWORK		BRONCOS vs. WARRIORS	1:50pm	Grade 6 Science	5:00 AM G JOYCE MEYER		9:30 PM G TOKPIKSA Ep#20 – Repeat....	
5:00 AM G JOYCE MEYER	8:57 PM G EMTV TOKSAVE		2:30pm	DEPI Program	5:30 AM G EMTV NEWS REPLAY		10:00 PM PGR THE MENTALIST SEASON 1 EP#	
5:30 AM G EMTV NEWS REPLAY	9:00 PM G COCA-COLA SPORTS SCENE		3:30 PM G KIDS KONA		6:00 AM G TODAY		11:00 PM G EMTV NEWS REPLAY	
6:00 AM G TODAY	9:30 PM G THE VOICE #22		3:30 PM	GO DIEGO GO	09:00 AM CLASSROOM BROADCAST		12:00 AM AUSTRALIA NETWORK	
09:00 AM CLASSROOM BROADCAST	11:00 PM G EMTV NEWS REPLAY		4:00PM	LOCKIE LEONARD	9:00am	Grade 7 Mathematics		
9:00am	12:00 AM AUSTRALIA NETWORK		4:30PM	MORTIFIED	9:50am	Grade 7 Science		
9:50am			5:00 PM G KITCHEN WHIZ		10:40am	Grade 8 Mathematics		
10:40am			5:30 PM G DANI'S HOUSE EP#5 - Sleepover		11:20am	Grade 8 Science		
11:20am	TUNDE JUN 18, 2013		6:00 PM G EMTV NATIONAL NEWS		1:00pm	Grade 6 Mathematics		
1:00pm			7:00 PM G HAUS& HOME		1:50pm	Grade 6 Science		
1:50pm			8:00 PM G BUSINESS PNG – Ep#20		2:30pm	DEPI Program		
2:30pm	4:57 AM G AUSTRALIA NETWORK		8:30 PM PGR NIKITA S1/EP# 20/22		3:30 PM G KIDS KONA			
3:30 PM G KIDS KONA	5:00 AM G JOYCE MEYER							

Ol Program na Kilok i ken senis oltaim...

3		6	4		2			5
				3			1	6
		9		5	7			4
9		2			6	7	5	
8	7						6	9
	6	3	9			4		8
4			5	6		3		
6	9			2				
5			7		8	6		2

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa
bilang
las wik
Sudoku

A	I	R	N	I	U	G	I	N	I			K	A	G	O	A
															R	I
P	S		S	I	A	L	E	T						I		P
L		E											A			L
E	A		K							K		N			S	I
S		I		I						O					U	N
B			P		N					I		P			K	S
A	I			J					T				I		T	E
L	T				A			A		I					E	P
U	I					K	N				K				S	N
S	R					S	E				T	E				G
	U				D			T			E		T			
	Y			N							K					
T	K		A								S	I	A			
I	E	L			P	A	I	L	O	T	I					M
	S											B	A	L	U	S
I			J	I	U	S		E	A	H	O	S	T	E	S	F

**Ansa
bilang
las wik
Pasol**

Raun wantaim Kanage olgeta wik



NEM: Nick Kwau
KRISMAS: 30 (Man)
ADRES: PO. Box 1349, Wewak, East Sepik Provins
SAVE LAIKIM: Ritim buk, singsing, go Lotu, mekim pren wantaim arapela and trevol.

NEM: Raphael Iwap
KRISMAS: 18 (Man)
ADRES: St. Michael Secondary School, PO. Box Private Mail Bag, Madang Provins
SAVE LAIKIM: Pilai gems, pilaim musik, operetim Kompyuta, wok teknisen, ritim buk na go long skul

NEM: Vincent Awon
KRISMAS: 30 (man)
ADRES: Kamate Coca Co-operative Society Limited, PO Box 298 Madang Provins
SAVE LAIKIM: Welding, cocoa trena, menesim bloks, Raising Beans long ekspot, mekim fani, harim musik na painim wanpela meri long maritim na stap wantaim oltaim.

NEM: Junior B. Dadis
KRISMAS: 32 (Man)
ADRES: College of Distant Education, PO Box 2071, Yomba, Madang Provins
SAVE LAIKIM: Go danis, harim reggae musik, lukim CD, tok pilai na go swim

NEM: Jason Elmon
KRISMAS: 19 (Man)
ADRES: Bema High School, PMB Bema, Lae Post Office Morobe Provins
SAVE LAIKIM: Mekim pren, pilai soka, go Lotu, mekim fani na toktok wantaim ol narapela lain.

NEM: Gabriel Bania
KRISMAS: 23 (Man)
ADRES: St. Christopher Primary School Turubu East Coast, C/- Bill Orengo PO Box 466, Wewak ESP
SAVE LAIKIM: Autim tok bilong God, serim toktok ol samting, pilai gospol musik, helpim na mekim wok marimari na go Lotu.

NEM: Jenna Hill
KRISMAS: 35 (Meri)
ADRES: PO Box 90, Adoagyiri, Nsawam Ghana, West Africa - 00233 541705015 e-mel: waysofl@yahoo.com
SAVE LAIKIM: Kanntri musik, kukim kaikai, raitim pas na painim wanpela man long maritim

NEM: Rex Yatapsa
KRISMAS: 30 (Man)
ADRES: Wambi DC, PO Box 352, Bulolo Morobee Provins
SAVE LAIKIM: Go Lotu, serim tok bilong God wantaim arapela, stretim hevi bilong ol arapela manmeri, Wok gol na wokim gaden.

NEM: Robert Daniel
KRISMAS: 14 (Man)
ADRES: Kanabea Catholic Mission, PO Box 90, Via Kerema, Gulf Provins
SAVE LAIKIM: Pilai gita, volibol, soka, tats, mekim fani, stori, watsim TV, harim Lotu musik, go skul, tek pat long yut wok, go Lotu na lukautim ol enimal na plens.

NEM: Awaten Kembo
KRISMAS: 20 (man)
ADRES: Bema High School, PMB Lae, Morobe Provins
SAVE LAIKIM: Pilai volibol, vok, basketbol, harim musik, mekim fani, go Lotu, ritim buk na niuspepa na stori wantaim ol poroman-meri.

Tripela poro i go long kalabus

NEM bilong ol em Fafti, Yokomo na Kanage. Ol i no save long tok Inglis na ol i save stap long ples tasol. Wanpela taim ol plen long go long taun long lainim tok Inglis. Fafti go pas long taun, long taun em harim ol man tok, "3 of us", em lokim tasol long het na kam long ples. Neks de Yokomo go long taun na kam wantaim tok Inglis, "Because of money". Laspela man long go long taun em Kanage na em i kam bek wantaim tok Inglis bilong em, "Lets go". Potnait Fraide kam na tripela laik traime tok Inglis bilong ol na ol i go long taun. Long rot ol raskol kilim wanpela man na kisim mani bilong em na ronawe, na tripela brada go kamap long hap we man i dai stap. I no long taim polis kam kamap na askim ol, "Who killed this man?" Fafti tok, "3 of us", Polis askim gen, "Why did you kill him?" Yokomo bekim, "Because of money", Polis bel hat na tok, "You want me to take you to jail?" Kanage ansarim, "Lets go, na polis kisim tripela go long kalabus.

Sims 4Mile,
 Popondetta Awara Tasol

'Earthquake Man'

KANAGE em bilong ples Motonau long Not Kos Rot long Madang. Em i raunraun na em i hangre nogut tru na em go long haus na nogat kaikai. Isi tasol Kanage i stilim pis bilong meri bilong em na laik stat long kaikai i stap na wanpela poro kam na kolim nem bi-

Dia Laipain

NAU mi wokim Gret 10 long wanpela Hai Skul, na mi laik greduet na go long Sekonderi skul na bihain long wanpela yunivesiti. Tasol bikos step mama, ol brata na susa i no save mekim gut long mi, ating dispela bai no inap kamap.

Taim mi save stadi, ol i save distebim o mekim ol samting long bagarapim tingting na wok na taim mi tokim ol long stopim dispela pasin, ol i save tromeim ol tok nogut long mi. Mama bilong ol i save sapotim ol tu. Papa i no save mekim samting long stopim ol. Papa i bin lusim mama bilong mi tru taim em i bel long mi. Mama i bin wok long lukautim mi long Gret 1 inap long 8. Em i skulim mi tu long Kristen pasin. Tasol papa i bin askim mi long trense i go long stap wantaim nau famili bilong em long wokim Gret 9 na 10 na mi stap wantaim ol.

Maski mi wok long bungim ol kain hevi olsem, taim mi wok bai mi lukautim mama, papa, na step mama na ol pikinini. Mi laik bai ol i luksave olsem mi laikim ol olsem tasol Jisas i laikim ol.

Na mi tingting pinis long stap wantaim mama tru bilong mi bihain mi pinisim skul bilong mi. Em i orait long go bek long tru tru mama bilong mi?

Neglected Daughter

Dia Pren



long em, em guria nogut tru na laik tok yu mekim na mi guria na em abrus na tok, "Yu make me and i earthquake ya." Poro harim na tok stil man wantaim rong tok pisin.

Freda Melchior
 Motonau, Madang

Man o wara i toktok?

KANAGE i kisim wara go na em i harim olsem ol i wok long senisim presen na tok meri krismas na hepi niu yia na amamas ol yet na tok na sekan i go i kam long soim amamas bilong ol wantaim krismas na hariap tasol em tok mi mas go hariap long haus na gritim meri bilong mi tu. Taim em kamap long haus em holim meri bilong em na tok, "Where is my christmas?" meri kirap nogut long harim dispela tok na em i bekim, "Yu kilia, long long man. Man tru tru toktok o wara toktok"

Freda Melchior
 Motonau, Madang

'Pater, plis stop pastaim'

WANPELA Sande, Kanage i bin go long lotu na em i karim K12 i go long lotu. Em i tok olsem, em bai putim K2 long ofa na K10 bai em baim kaikai long maket. Taim bilong ofa nau na ol yut wok long singsing i stap long kisim ol ofa bilong ol man-

meri i stap. Kanage em bisi long harim ol singsing na tu em i wok long singsing wantaim na taim ol i karim basket bilong putim ofa, Kanage kirap tasol na putim olgeta koins bilong em i go insait long basket. Na, taim bilong karim ofa i go long pater na em i tingim olsem em i putim olgeta koins bilong em i go insait long basket. Em i wok long tingting long hau long kisim bek K10 bilong em na pater i stat long beten long ofa i kam. Isi tasol em i kirap na go long pater. Pater i lukim na em i tok, "Pikinini olsem wanem?" Ayo pater, plis stop stop. Plis mi lus tingting na givim olgeta koins bilong mi long ofa. Mi laik givim K2 tasol mi abrus na putim olgeta i go insait. Plis givim mi tasol K10 na yu ken holim K2. Em ofa bilong mi. Na pater i tok, "Yu givim pinis long bikman pinis." Na Kanage kirap na tok olsem, "Yu tupela bikman save givim mi moni ah. Givim K10 blo mi kam bek nau tasol."

Wally Anis
 Maunt Hagen

Ol skwat!
 Salim ol gutpela Kanage tok pilai i kam long:
 Kanage Tok Pilai
 P.O. Box 1982,
 Boroko, NCD
 Port Moresby.
 Email:
jwilson@wantok.com.pg

Mi stap long hevi na mi laikim helpim



Tenkyu long rait i kam long mipela na tokim mipela long wari bilong yu. Em i no isi long stretim dispela kain hevi.

Mipela i luksave long pilings bilong yu taim step mama na ol pikinini bilong em i no sapotim yu. Tasol mipela i tok tenkyu long yu olsem olsem maski ol i wokim nogut long yu, yu no kros o laik bekim. Yu laki olsem yu gat gutpela mama husat i bin skulim yu long gutpela Kristen pasin. Tasol planti famili i no save serim ol gupela bilip na pasin olsem yu na ol i painim hat long stap wantaim.

Pren, yu toktok long ol wari yu gat wantaim papa bilong yu? Sapos nogat, i moabeta yu painim taim na toktok wantaim em long ol.Em inap singautim famili bung na toktok long dispela samting. Yu ken toktok long mama tru bilong yu long dispela wari yu gat long en na em i ken toktok long papa long traime stretim.

I moabeta yu strongim yu yet na painim ol poroman husat inap helpim yu na laip bilong yu i ron gut. i gat yut grup long sios bilong yu? Sapos i gat, i moabeta yu joinim ol na kamap hap

bilong grup.

Em i no isi, tasol yu bin strong na stap na mipela i bilip olsem yu ken strongim yu yet na stap. Mipela i bilip olsem i nogat rong long go bek long mama stret bilong yu bihain yu pinisim skul bilong yu, tasol i moabeta yu toksave long papa bilong yu nogut sampela kain kros i kamap.

Yu tok bai yu helpim olgeta lain bilong yu long tupela sait wantaim na i gutpela olsem yu gat gutpela lewa i no save kros na laik pasin yu gat long en.

I moabeta yu go lukim wanpela pasto o tupela gutpela Kristen na ol i ken givim yu ol gutpela tokstia.

Pren, yu go het long pre na bilip long God bikos em i save long wanem samting i gutpela long yu. Ritim Proverb 3:5-6.

Bikpela i ken stiaim wokabaut na laip bilong yu.

Pren bilong yu,

Laipain.

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.
 Laipain

Sevim ol laip long birua bilong sik tetanus

Singaut i kam long ol pikinini na mama bilong PNG, long ol lida bilong yumi

Noreen Chambers i raitim

SAPOS mi bin save olsem wanpela helt ron bilong wanpela mobail imunaisesen wok i go long wanpela bus ples long Rigo, long Sentral Provins we mipela mas wok-about tenpela awa, ating bai mi gat tupela tingting pinis.

Namba wan toksave long dispela wokabaut, em ol i tok bai mipela i ron long kar, na bi-hain, bai mipela i ron tupela awa long bot, bihainim Wara Omand i go long ples Didigoro.

Wanpela de pastaim long taim bilong ron, plen i senis bikos mak bilong wara em i daunbilto tumas long bot i ron long en.

Didigoro i stap insait tru long Rigo, na i nogat wanpela gavman sevis i save painim ol.

Mi wantaim wanwok bilong mi long UNICEF, Dokta Grace Kariwiga, na samting olsem 20 arapela manmeri i bin kalap lusim kar long Lepamakana, arere tasol long Magi Haiwe, klostu tupela awa draiv i go long isten sait bilong Pot Mosbi. Dispela em ples we rot i go long Didigoro i pinis, na wok-



Ol mama na yanpela meri bilong Digigoro viles insait long Rigo Distrik, Sentral Provins i amamas long soim Tetanus Toksoid imunaisesen kat bilong ol long Raun 1 bilong Kempin long Epril 2012.

about nau i kirap.

UNICEF i go wantaim wanpela tim ol helt woka bilong Nesenel Helt Dipatmen aninit long lukaut bilong Deputi Sekriteri,

Dokta Paison Dakulala. Insait long dispela grup em tupela helt tim i kam long Sentral provins i go long mekim fut patrol bilong karimaut na was long

Saplimentri Imunaisesen Ektiviti (SIA) insait long ol ples Rigo.

SIA em i wanpela spesol helt progrem Helt Dipatmen i save karimaut olgeta tupela yia long kantri, long givim banis sut long ol pikinini aninit long tripela krismas agensim sik misels na ol belmama agensim sik tetanus.

Dispela SIA i no olsem narapela tupela i bin kamap bipo long 2008 na 2010.

Olgeta meri i ken karim pikinini namel long 15 na 45 krismas bai kisim tetanus banis sut long banis agensim dispela sik nogut we i save kilim planti meri na pikinini long dispela kantri.

Mipela olgeta i pulim win taim mipela i lukim tenpela plesman bilong Didigoro i wetim mipela long karim ol banis sut, medikal saplai, na kago bilong mipela yet. Ol i tokim mipela olsem wokabaut i go long Didigoro i save kisim ol sikspela awa wokabaut, tasol wantaim olgeta kago bilong mipela, em bai kisim 8-pela awa o moa.

Mipela i wokabaut lusim bus rot long 10 kilok moning. Mipela i kalapim na abrusim sampela ol liklik maunten, brukim sampela ol liklik hanwara, na namba wan awa i lus nating. Mipela i malolo pastaim. Na narapela hap bilong wokabaut nau, em i traim olgeta strong bilong mipela.

Ol asples i bin toksave long mipela i mas redi long kalapim ol maunten. Namba wan maunten bilong mipela i bin sap tru, na ol lek bilong mipela i tait nogut tru. Mipela i malolo olgeta tenpela step wokabaut, long kisim gut win. Tasol ol asples wantaim ol kago ol i karim antap long het bilong ol, o long ol billum, i wokabaut isi tasol na abrusim mipela i go antap long maunten.

Long namel mak bilong maunten, mipela i malolo. Ples i silip gut tru, tasol namba wan tingting mipela i gat em long strong i stap yet long painim het bilong maunten stret.

Bihain long wanpela awa long pait wantaim bus long traipela san, mipela i painim antap bilong maunten na pun-daun wantaim ol kago. Olgeta strong bilong mipela i pinis.

Wanpela hap awa bihain, mipela i wokabaut gen. Narapela etpela awa i kisim mipela i go insait long sampela ol strong-pela ples bus na maunten tru. I gat ol

maunten bilong winim, na ples kunai bilong brukim. Dispela i kisim mipela tupela awa olgeta.

Mipela no inap lukim gut rot, na i luk olsem mipela i paul pinis.

Long 8 kilok nait, mipela i lukim lamait long ples Goutakogena. Mipela i amamas tru! Dispela ples na narapela ples klostu ol i kolim Kwairuka, em Didigoro komyuniti nau.

I nogat wanpela gavman sevis i stap long Didigoro. Namba wan ples i stap klostu we yu ken kisim mobail fon sevis, em wanpela 30 minit wokabaut i go antap long wanpela bikpela maunten. Wanpela etpos we i bin givim helt sevis bipo long taim bilong ol Australia, i pasim dua bilong en 23 yia pinis. Diguarubo Praimeri Skul i gat tupela tisa tasol, husat i tisim olgeta gred, long elementeri i go inap gred siks. Ol asples i tok skul i save op long wanpela hap bilong yia tasol. Olsem na ol sumatin i save ripotim skul bilong ol.

CRC sios hol long Goutakomena viles i lukim bikpela wok tru i kamap. Dokta Dakulala i bisi wantaim tim bilong em long sanapim imunaisesen klinik. Ol plesmanmeri bilong klostu na longwe wantaim i pulim lain i kam long klinik. Long namba wan taim insait long planti yia tru, sevis i kam long ol pipel bilong Didigoro, na olgeta i amamas. 65 pikinini i kisim banis sut agensim misels na polio, na 34 mama na yangpela meri i kisim tetanus banis sut.

Dokta Dakulala i tok 5,000 pikinini na meri insait long Rigo distrik bai kisim banis sut. Nesenel taget, em bilong 800,000 pikinini na 2 milian meri i ken karim pikinini i kisim banis sut.

Dokta Dakulala na Dokta Kariwiga i kisim dispela sans long sekim ol sikmanmeri tu.

Wan handret na tu sikmanmeri i kamap painim halivim long ol tokda.

Em i wanpela sans tasol ol i gat long kisim dispela sevis.

Helt wokmeri, Kimberley Kwapuro i bisi long mekim ol repid daieknostik tes bilong malaria na famasis Daphne lan-Ghabu i wok strong long givim marasin long ol sikmanmeri.

Mi askim sampela ol manmeri wanem samting ol bai mekim sapos helt tim i no kamap long ol, na o i tok, i nogat samting nau, na ol i save lukluk long bus marasin tasol, na bilip strong bai sik i pinis.

MI lukim wanpela mama wantaim nupela bebi bilong em na em i tokim mi olsem bebi bilong em i kamap foapela de tasol.

Em i no kisim stia o halivim long wanpela entinetal klinik long taim em i bel, na em i karim bebi bilong em long haus, wankain we em i karim foapela bikpela pikinini bilong em.

Narapela pikinini, Eric, husat i gat foapela krismas, i klostu lusim mama bilong em taim em i karim em long haus tu. Laki na wanpela helikopta i karim mama bilong Eric long kisim halivim.

Mi lukim planti yangpela mama i wet long pikinini bilong ol i kisim banis sut, na mi tingting wari long hamas moa bebi, ol mama i karim long haus tasol. Em i samting bilong brukim tru lewa.

Long Sande mipela i tok gutbai long Didigoro komyuniti long arere bilong Wara Omand, na lusim ol i kam bek. Mipela i trip seven awa pastaim long mipela i kamap long Omand Bris long Magi Haiwe we mipela i kisim kar. Mipela olgeta i skin dai olgeta, tasol mipela i amamas long mekim dispela raun. Em i raun i halivim planti manmeri.

Sapos yu ken sevim laip bilong wanpela bebi?

I NOGAT planti samting i ken winim amamas bilong de wanpela nupela bebi i kam insait long wol.

Tasol insait long 28-pela kantri, wanpela sik nogut i wok long tanim dispela taim bilong amamas i go long taim bilong sore.

Sori tru, Papua Niugini em i wanpela long ol dispela kantri.

Kamap bilong dispela sik i save kam wantaim bikpela pen tru. Ol liklik nupela bebi i save bungim bikpela pen taim olgeta masol long bodi bilong ol i save tait na skin bilong ol i save pen nogut tru.

Bikpela namba bilong ol meri i save dai long sik tetanus olgeta yia, tu.

Dispela sik, we i gat banis sut bilong en, we mama i ken kisim, i ken kalap i go long ol pikinini taim ol i karim ol long ples i doti, na ol samting ol i yusim bilong katim rop bilong bebi i no klin. Em nau, long dispela taim, laip bilong mama tu i ken lus.

Wantaim tripela dos banis sut, we manimak bilong en i no abrusim K2, mama na ol pikinini bilong em long bihain i ken gat banis inap long faipela yia olgeta.

Sapos wanpela meri i kisim gut olgeta banis sut agensim tetanus, em bai gat banis i go insait long ol yia em i ken karim



moa pikinini. Taim ol meri i kisim banis sut agensim tetanus, na lainim moa samting long helt bilong mama, ol i save kisim strong bilong lukautim helt bilong ol yet, na helt bilong

o nupela bebi bilong ol.

I no longpela taim i go pinis, 31 kantri i bin win long rausim sik tetanus, wantaim sapot i kam long ol gavman na komyuniti bilong ol.



Rausim Sik Tetanus

**Tetanus Toxoid Vaccination Round 3 Campaign:
17 June - 26 July 2013**



Rausim Sik Tetanus

GO long klinik klostu long yu ...

17 June – 26 July 2013

- Olgeta meri we krismas bilong ol namel long 15 na 45 yia i mas kisim banis-sut bilong sik tetanus.
- Olgeta bel mama tu, i mas kisim banis-sut bilong sik tetanus.
- Kisim ol pikinini husait krismas bilong ol aninit long faiv pela (5) yia i kam long kisim banis-sut na vitamin A.



unicef 
unite for children

 **World Health
Organization**

Saving Lives from Tetanus infection



Tetanus Toksoid Vaksinesen Raun 3 bai kamapim wanem samting?



Ol mama na yanpela meri bilong Digigoro viles insait long Rigo Distrik, Sentral Provins i amamas long soim Tetanus Toksoid imunaísesen kat bilong ol long Raun 1 bilong Kempin long Epril 2012.

5-pela Bikpela Wok Kamap

- ☒ Daunim hariap mak bilong ol bebi na mama i dai long sik tetanus.
- ☒ Banisim ol nupela bebi na ol mama long noken kisim sik tetanus o arapela sik i kamap long tetanus bikos long ples na we bilong helpim mama i karim i no klin.
- ☒ Kamapim bikpela moa, wok bilong banisim ol mama na pikinini na karim aut moa klinik bilong mama na pikinini.
- ☒ Muvim ol pablik long givim trupela sapot bilong ol long ol pikinini na meri i mas gat gutpela helt na gutpela sindaun.
- ☒ Strongim bilip bilong pablik long ol helt progrem.



unicef 
unite for children

 World Health
Organization

Saving Lives from Tetanus infection



GLASIM RAMU NICO PROJEK



Wanpela Ramu NiCo, Wanpela Komyuniti

Ramu projeck laik apim prodaksen bilong Nikel na Kobalt

GAVMAN planti taim i tok aut klia olsem ol ekstraktiv risoses olsem gol, kopa, oil na gas, em ol bikipela risos we baset mani bilong kantri i save kisim helpim long em. Dispela i no min olsem sapos nogat ol dispela risos bai gavman i painim hat stret long kamapim baset bilong em na lukluk long ovasis helpim tasol.

Na tu, ol bikipela ovasis kampani husat i kam long divelopim ol dispela risos long PNG i luksave long nid bilong kantri na laik mekim ol win-mani na givim helpim. Tru, ol i laik wokim win-mani bilong ol tu.

Ramu NiCo em wanpela bilong ol ovasis kampani husat i kam invest long digim nikel na kobalt we investmen mani i mak long \$US1.6 billion. Tasol nikel na kobalt em i no olsem gol, kopa, oil na ges we i gat bikipela win-mani.

Tasol maski i gat kain hevi, Ramu NiCo i gat bikipela bilip yet olsem em i bai mekim sampela win-mani na bai i givim skel-mani bilong ol stekholda i go long ol yet, olsem Gavman na ol Papagraun.

Ramu NiCo tude i bungim planti teknikal hevi na ol narapela tu. Tasol ol bosman olsem Bod ov Dairekta na Siaman, Zhao Shimin, i tok strong olsem Ramu NiCo i gat bikipela komitmen long kamapim 50% bilong disain kapseiti prodaksen long dispela yia, 80% long 2014 na long 2015 bai Ramu NiCo i kamapim 100% prodaksen stret. Dispela em min olsem nogat bikipela birua i bai kamap long ol masin na produksen bai orait stret.

Dispela nau em i narapela long sait bilong mekim win mani bikos wei bilong mekim win mani o profit em ol narapela bikipela samting insait long wol i save kamapim. Dispela em narapela stori yumi ken toktok bihain.

Long luksave olsem prodaksen i kamap long mak stret bilong em long yia 2015, Ramu NiCo nau yet i karim aut planti wok long kamapim moa nikel na kobalt, na tu long luksave olsem kwaliti bilong nikel i mas stap stret long kisim bikipela win-mani.

Wanpela bilong ol dispela bikipela wok i stap long KBK Main we Benefiesin Plent i wok long stretim nau i stap. Dispela plent or haus-masin i save rausim ol kromait na skelim ol graun malumalu ol i kolim 'slari' we i gat nikel na kobalt tasol i go long wanpela hap long bai redim long salim i go long Basamuk Rifaineri



Bikipela kar Volvo i kapsaitim graun i gat nikel na kobalt i go insait long Wasing Plent.

KBK Main Supritenden, Li Xingjia i soim wokmeri Amanda ol plen bilong em long kamautim nikel na kobalt long KBK.



Ol nupela sheking bet ol i wok long putim kamap nau.

long Raikos.

Long dispela plent nau yet i wok hat stret long putim narapela 26-pela shaking bed we bai kamapim moa gutpela wok long bai rausim ol kromite na kamapim planti slari long go long Basamuk. Pastaim i gat 26-pela shaking bed tasol na nau ol i putim narapela 26-pela gen we bai kamapim wok i orait stret na apim production kwaliti na kuantititi i go antap long ol slurry or graun malumalu we i gat nikel na kobalt.

"Taim mipela i kamapim 26-pela moa bed bai i hapim kwaliti na moa slari i go moa long 22.5 drai ton we mipela i kisim long wan wan haua,"

Supritenden bilong Benefiesin Plent Mista Li Yehui i toktok.

Shaking bed em ol i save yusim long rausim kromait bilong wanem sapos ol i salim wantaim i go long 135 km paip long Basamuk bai em i bagarapim dispela longpela paip na tu bai kamapim bikipela birua long ol bikipela masin long Basamuk.

Kampani i gat strong pela bilip olsem bihain long ol i putim 26-pela moa seeking-bed bai ol i putim gen narapela 16-pela gen we bai karim total mak i go antap long 68-pela olgeta na dispela bai helpim KBK Main long salim planti slari i go long Basamuk Rifaineri na prodaksen i

ken go antap.

Papagraun kampani, Raibus Engineering i wok long mekim ol dispela wok konstraksen wantaim helpim bilong MCC 22 na Fixed Plant we wok i bin stat long mun Mas na bai pinis long mun Julai, 2013.

Taim moa seeking-bed i kamap em bai kamapim tu nupela wok bilong ol papagraun we bai i gat sans long ol i wok long hap.

Wok konstraksen long Ramu NiCo i bin stat long yia 2006 na planti wok i bin pinis long yia 2010 tasol ofisal prodaksen i bin stat long Disemba 6, 2012. Tete, Ramu NiCo i operet tasol ananit long 30% mak bi-

long em na bihain long dispela yia bai em i go antap long 50% na yia 2014 bai kamap stret long 100% mak bilong em.

Ramu NiCo i gat strongpela bilip olsem maski planti gutpela helpim bai i kam long main na wok moni stret, ol papa graun yet tu i ken wokim ol bisnis na yusim ol kain kain wok we Ramu NiCo i kamapim long em na kamapim bisnis bilong ol yet. Dispela tasol bai i mekim ol luksave olsem bihain long 20-pela krismas na Ramu NiCo i go, ol papagraun i gat bisnis bilong ol yet. Na laip bai noken hat tumas olsem bipo long tumbuna taim.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komyuniti'

Westpac Benk i luksave long wok bilong ol meri

WESPAC Benk i mekim benking bisnis longpela taim tru long kantri, na gat bikipela luksave long wok ol meri mekim long developim kantri na long las wik em i takaut olsem nominesen i op long komuyuti na bisnis haus ken makim ol meri long kisim bikipela luksave we Westpac bai givim kainkain prais long ol.

Westpac i statim dispela program long 2007 aninit long nem (*Westpac Women in Business*) o Westpac Meri long Bisnis tasol, nau nem i senis go long *Outstanding Womens Award* o *Autstanding Meri Award* long givim luksave long kainkain wok erai we ol meri mekim bikipela wok long elpim developmen bilong kantri.

I gat 5-pela awod grup; Praiswatahaus Praivet Sekta Sekta Awod, Stimsip Pablik Sekta Awod, SP breweri En-

traprenua Awod, Trukai Komunyuti Awod na IBBM Yang Acheiva Awod. Wina bilong wanwan grup bai kamap kendidet long stap long bikipela resis bilong winim taitol bilong Westpac Autstandin meri Awod bilong 2013.

Wina bilong wanwan grup bai kisim, K1000 Brain Bell gift vosa, K500 Supa Velu Stoa gift vasa na K5, 000 edukesen gren.

Meri winim taitol bilong 2013 bai kisim tropi long luksave long gutpela wok na antap long en bai kisim wanpela trip long go stap insait long Australia Eksektiv Womens Lidasip Miting long Australia long neks yia.

Westpac Menesing Direkta, Ashleigh Matheson i tok dispela awod em mak bilong soim Westpac komitmen long kamapim jenda balens long PNG.

Mista Matheson i tok ol meri save mekim bikipela wok long developmen bilong kantri na wanwan de ol mekim bikipela wok na dispela kain program na awod i soim i gat bikipela luksave na amamasim wok bilong ol meri.

Mista Matheson tok, Westpac i kamapim nupela program long givim skul tok na advais long ol meri na tok wina bilong wanwan grup bai kisim bikipela skul tok na advais long long 12-pela mun long strongim skills na save bilong ol long wanem wok ol i mekim stap.

Nominesen fom stap long olgeta bres bilong Westpac benk long kantrina long websait. Olgeta wina bai Westpac tokaut long dina bilong 2013 Westpac Autstanding Women Awod long Pot Mosbi long Trinde 16 Oktoba 2013.



Westpac' komyunikesen Spesolist Lynette Boas (L) na Marketin Assistan Ainessah Jack (R) opim 2013 WOW Awod banner long taim bilong lonsing las wik long Pot Mosbi.

Dolly

Em bai mekim yu laikim **sampela moa!**

PROUDLY **PNG MADE**

RD TUNA CANNERS LTD.

Brukim graun bilong nupela tuna fektori

Frieda Sila Kana raitim

NAMBAWAN Sifud Limited, i lukim Fiseris Minista, Mista Mao Zem-ing, i brukim nupela graun bilong kirapim wanpela moa tuna fektori insait long Lae Siti, long Morobe Provins.

Mande 10 Jun, 2013, bihain tasol long Majestik Sifud limited i opim nupela tuna fektori long Malahang, Lae, Nambawan Sifud Limited i brukim graun we ol papa graun i larim ol long lisim long kamapim nupela tuna fektori. Nambawan Sifud em i kamap wantaim patnasip namel long wanpela Taiwan tuna kampani na tupela Filipins kampani.

Fiseris Minista, Mista Mao Zeming i bin holim gia bilong bekho na i brukim nambawan graun long makim ples bilong narapela tuna fektori bai sanap long em. Dispela fektori tu bai i kamap klostu tasol long banis bilong Majestik Sifud Tuna Fektori.

Stap long dispela seremoni wantaim Fiseris Minista, em Gavana bilong Morobe, Kasigna Kelly Naru, Siaman bilong Fiseri Atoriti, Job Pomat na Menesing Dairekta bilong Nesenel Fiseri Atoriti, Sylvester Kokajem, na ol arapela bikipela lain olsem Ambasada bilong PNG long Filipins, Ben Bando, Filipins Ambasada long PNG, Ekselensi Bienvenldo Tijoni, ol papa bilong tripela kampani we i kamapim Nambawan Sifud Limited, na Se Henry Chao, bilong Lae Bisket Grup ov Kampani na meri bilong em.

Gavana, i amamas tru long ol papa graun bilong Ahi i givim graun bilong ol long dispela kain developmen i kamap bikos em i givim moa wok long ol pipel bilong Morobe na bringim moa mani i kam insait long ikonomi bilong kantri na provins.

Em i tok tenkyu long Nambawan Sifud long bilip ol i putim Morobe Provins na kamap wantaim dispela fektori we provins na kantri i no bin lukim kain bikipela wok olsem bipo.

“Ol wol i makim ikonomi klaimet bilong PNG olsem i gutpela long kamapim bisnis na tuna kampani i luksave long dispela na i putim bilip bilong ol na i kam long mekim bisnis, tasol ol i nidim ol arapela bikipela patna olsem Yuropien Yunien (EU) long inapim ol mak bilong salim ol kaikai i go ovasis. Morobe Provins em i wanpela nesen i stap insait long narapela nesen bikos mipela i gat olgeta risos i stap long PNG we i save kamap long maunten i go long nambis. Yu tok, tuna mipela gat, yu tok kopi mipela i gat, yu tok maining mipela i gat na i go moa yet,” Mista Naru i tok.

“Nau i no long taim, ol pren long Siapan na Korea husat i stap nau long witnesim dispela seremoni bai kam paitim dua bilong mipela tu i stap. Yupela lukim dispela liklik helikopta i plai i go antap long skai ya, em i soim olsem, skai antap tasol bai stopim mipela long long wokim bisnis. Olsem na yumi mas wokim bisnis, putim het i go daun na statim wok,” Mista Naru i tok.

Siaman bilong ol papa graun bilong Ahi Len Ona Grup, Nanong Ahi i gat bikipela amamas tru bikos long wanpela de, em i lukim ol Majestik Sifud i opim nupela tuna fektori, na



Savol bilong bekho i brukim graun bilong nupela Nambawan Sifud Tuna fektori. Poto: Frieda Kana



NFA Siaman Joe Pomat (han kais), Filipin Ambaseda, Bienvenldo Tijoni (namel), Fiseris Minista na memba bilong Tewai-Siassi, Mao Zeming (han sut)

gen em i lukim ol i brukim graun bilong narapela moa tuna fektori long kamap.

Mista Ahi i tok, graun bilong em na ol wanpisin em i gat 614 hekta, tasol em i wok long givim liklik tasol long ol bisnis. I gat bikipela moa graun i stap yet na em i singaut long ol arapela investa long kam na investim mani bilong ol long graun bilong em.

Em i tok strong long ol papa graun na ol bisnis lain long noken salim graun tasol ol i mas lisim.

“Noken salim graun long ol skwata, nogat, yu mas wokim bisnis. Mi laikim 99 yia lis na i no long salim graun. Graun em i bilong klen o wanpisin, i no bilong wanpela o tupela man tasol long salim. Yu toktok wantaim olgeta na wanbel i mas stap long kamapim wok bisnis,” Mista Ahi i tok strong long ol papa graun olsem.

Minista bilong Fiseris, Mao Zem-ing, i tok tenkyu long kampani TBJ bilong Filipins na FCA Taiwan long

kamapim dispela tuna fektori.

“Mi amamas tru long stap hia long witnesim dispela bikipela samting. Stat long Ogas 2012, O’Neill-Dion gavman i tokaut long sapotim ol pipel long developim ol bisnis. Nau ol wok bilong Nesenel Fiseris Atoriti i wok wantim sampela prosek i kamapim 7,000 long kantri wantaim hap bilian kina stat long 2008 i kam,” Mista Zeming i tok.

“Gavman i putim K2 milian long ol solwara provins long kamapim ol bisnis olsem. Dispela em i soim tingting ting O’Neill-Dion gavman long kamapim gutpela sindaun bilong ol pipel long PNG,” em i tok moa.

Ambaseda Tijoni i gat bikipela bilip long PNG na em i save laikim ples PNG.

“Mi stap long klaut pinis taim mi harim ol toktok nau long moning i kam. Yupela lukim sampela lain ol i pret long kam long PNG, tasol Filipins em mipela i kam yet bilong wanem yumi wankain ya,” Am-

baseda Tijoni i tok.

“Em i namba tu raun bilong mi kamap Ambasada long PNG bikos mi laikim dispela ples bilong wanem yumi Filipins na Papua Niugini i wankain stret. Yu kaikai tapiok, em mipela tu kaikai tapiok, yu kaikai kaukau, mipela tu kaikai kaukau, na yu save laikim pis, Filipins tu save laikim pis,” Tijoni i tok.

“Pastaim mi bin stap 7-pela yia olgeta long PNG na bihain mi go bek. Nau dispela taim Presiden bilong mi i laik salim mi i go long Keneda na mi krai long em na tok,” plis Mista Presiden, salim mi go bek long Papua Niugini, na em i salim mi kam bek, bilong wanem, lewa bilong mi i pas wantaim PNG,” em i tok moa.


“Pis invesmen bilong Filipins i kam long PNG, i abrusim mak, olsem na Menesing Dairekta bilong Fiseris bai yu askim long wanem moa? Wanem samting i antap moa long Majestik na wanem samting i winim Nambawan? Nogat ya,

olsem na Filipins mipela givim yu stret tuna em wol stendet,” Ambaseda Tijoni i tok.

“Mi save gut long ol dispela ol kampani i kamapim tuna fektori na mi gat bilip long wok bilong ol. Ol i nambawan kampani stret long Filipins yu kisim. Na dispela promis bilong marit em i bai go moa yet long bihain taim tu. Yumi mas go het long kamapim planti marit moa na mi amamas tasol long witnesim ol dispela marit. Yumi gat planti samting i wankain. Wanpela hat, wanpela kalsa, yumi save laikim kaikai tapiok, kaukau na pis wantaim. Mi tok tenkyu long bel bilong mi stret i go long yupela,” Mis Tijoni i pinisim tok.

Man i makim maus bilong patnasip bilong tupela kampani long Filipins na wanpela long Taiwan we i kamapim Nambawan Sifud Limited, Dexter Teng i tok tasol long Menesing Dairekta bilong NFA olsem, “Mipela i redi nau na mipela kam ripot long mekim wok.”

Ol Spot Eksen poto long wiken...



FAMILI NETBOL:
Steamship kopret netbol bilong ol wok manmeri na famili.



Ol Poto Nicky Bernard.

ABRUSIM BAL:
Yuni pilaia Scola Marabang i abrusim bal taim pilai bilong Maclaren kikim wan-pela hotpela bal. Yuni win 3-0.



RESIS:
Ol tripela Rapatona pilaia i resis long bal taim ol pilaia bilong Guria tu i traim long kisim.



PAIT LONG BAL: Yamaros pilaia long wait siot i holim bal long lek bilong em taim Maclaren pilaia i laik rausim.



MI NAP: Gol Kipa em mi ya! Kipa bilong Yamaros i soim stail long mak bilong em.



SOIM STRONG:
Goroka Lahanis pilaia i laik soim strong bilong em long Isapea.

- Weekend Sports Draws -

Digicel Cup Round 11

Home	Away	Venue
SUNDAY, 23 JUNE		
Agmark Gurias	vs. SNS Vipers	Kokopo
Gulf Isapea	vs. Wamp Nga Eagles	Port Moresby
Bintangor Lahanis	vs. Hela Wigmen	Goroka
TNA Lions	vs. Snax Tigers	Kundiawa
Mendi Muruks	vs. Enga Mioks	Mendi

RESULTS

Muruks 16 Gurias 6,
Wigmen 25 Vipers 18,
Lions 19 Mioks 16,
Isapea 12 Lahanis 12,
Eagles 8 Tigers 44

LADDER

	P	W	D	L	F	A	Pts
Tigers	10	6	2	2	206	108	14
Lahanis	10	6	1	3	171	164	13
Mioks	10	6	0	4	240	112	12
Gurias	10	6	0	4	250	157	12
Vipers	10	6	0	4	236	161	12
Wigmen	10	3	2	5	145	162	8
Muruks	10	2	3	5	127	187	7
Isapea	10	3	1	6	156	226	7
Eagles	10	3	1	6	160	251	7
Lions	10	3	0	7	140	296	6

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.

Coca Cola Binatang redi long Kwinslen Sempionsip

Nicky Bernard i raitim

AFLPNG anda 14 bai lusim kantri long tete Fonde long go salens long Kwinslen Sempionsip we bai kam Gold Coast long Australia long dispela wik.

Ol dispela yangpela pikinini Binatang i kam long olgeta hap insait long kantri, we bai namba wan taim tu bilong planti long lusim PNG long go pilai ovasis.

Pot Mosbi na Lae i kisim

plantu we i lukim Kimber i kisim tupela, Kavieng wampela na Hagen long Hailens Rijen i kisim wapela.

Dispela ol yangpela Binatang ol bin makim ol long taim Coka Cola bin holim sempionsip long Igam Bareks long Lae long yia i go pinis. Dispela sempionsip tu bin pulim planti ol yangpela long olgeta hap long kantri long kam pilai long dispela Coka Cola sempionsip we Morobe bin holim.

Ol dispela yangpela Binatang bin redim ol yet long

dispela Kwinslens Sempionsip stat long Febwari dispela yia na nau ol go daun long mekim samting bilong PNG.

Namba tu kosa bilong ol Borogori i tok, dispela sempionsip ol bin winim bipo na dispela bai no inap nupela long ol yangpela Binatang, ol anda 16 tu bin winim Saut Pasifik kap long Townsville na dispela givim moa stong long ol dispela anda 14.

Jenerel Menesa bilong AFLPNG Murray Bird i tok, dispela trip bilong ol yangpela

Binatang em soim rot bilong Coka Cola talen na ol yangpela yut insait long kantri na tu, em bai lainim planti bilong ol dispela yangpela long planti samting, planti bilong ol dispela yangpela bai namba wan taim bilong ol long go pilai ovasis na husat save, nogut sampela bai laki long pilai long ol tim long Australia.

Tim Coka Cola Binatang lusim kantri nau na bai pilaim sampela tim long Kwinslen long redim ol gut long dispela bikipela sempionsip.

Bai gat basketball referi na kosa trening long Tabubil

NESENEL Basketbal Developmen opisa, Ronnie Mea, bai karimaut baskebal referi na kosing klinik.

Tabubil Koporent Basketbal (TCB) ogenaisim komiti i askim Mea long go na karimaut dispela trening.

Insait long wampela bung komiti i bin holim las wik, ol elsekyutiv bilong TCB i bin tokaut olsem Mea bai holim dispela trenin g pastaim long

TCB i holim ol fainol gem bilong ol.

"Ol tim bai go in sait lon g TCB fainol i mas nominet na givim ol nem bilong ol i go lon g ol eksekutiv o long ol opisel," wampela eksekutiv memba bilong TCB, Bobo Keme, i tok.

Keme i tok Mea na narapela teknikel opisa bai stap wantaim ol lain i singaun long kos long taim gren fainol pilai i

kamap.Ol narapela samting we TCB bung i bin toktok long ol em fainol na rot we ol TCB fainol bai ron long en.

Ol bai pilaim ol fainol long dispela Sarere Jun 23, 2013, na gren fainol long Julai 14, 2013.

Keme i tok olgeta tim bai pilai long kisim ples bilong ol long dispela oda o we. Garry Lee Kap 1-4 (top 4), Plet Salens (5-8), Baul Salens (9-

12) na Presiden Sil Salens (13-21).

"TCB bai lukluk long salim wampela tim long All Stars bai kamap long neks mun long Mosbi na taim tasol bai tok," Keme i tok.

YCB i plen long holim Basketbal salens long mun Ogas long resim fan bilong, "One Heart One Nation Foundation", Tabubil na TCB Awenes Prisentesen Nait.



Skul P.E. na spots ogeaisesen nidim moa luksave

OL skul long kantri i save lukautim klostu olgeta kategori long prep i go inap long gret 12.

Skul i gat pul long planti ol spotting talen yu ken tingim long painim.

Wampela long ol gutpela samting long ol skul, em ol i save holim ol yangpela bilong kain kain laip na sindaun, na ol i gat kain kain save na strong. Klostu 99% long ol i save laikim spots tru.

Olsem na edukesen dipatmen i kamapim wampela kurikulum bilong inapim laik bilong ol dispela yangpela manmeri. Kamap bilong ol pisikal edukesen o PE, na spots apinun, em i kamap namba wan samting long ol dispela yangpela long inapim save na strong bilong ol long spots.

Tasol tude, dispela pasin bilong strongim spots long mak we planti skul long kantri i no save strongim gut PE na spots, em i bikipela wari. Ol i senisim ol dispela wantaim sampela ol akademik sabjek we ol i bilip i gutpela moa long o PE na spots sesen.

Mi no laik westim taim long kros pait long dispela. Mi bilip olsem dispela tupela eria bilong ol pikinini long lainim samting i mas stap long eli akademik laip bilong ol. Pikinini i mas i gat save na strong bilong tingting gut, na stretim skul wok bilong em. Luksave long benefit bilong dispela tupela eria bai putim em long rot bilong lukim bikipela moa wok kamap long laip na skul bilong em long bihain.

Tasol hevi i stap we? Hevi i stap long ol tisa i gat trening bilong PE. Ol tisa i mas gat save bilong tisim sabjet, na tu long ogenaisim samting. Ol dispela samting ol i ogenaisim, i mas i gat bihain taim ron bilong ol tu. I bikipela samting long strongim dispela tupela sait wantaim.

Mi raunim planti hap bilong dispela kantri, na mi ken tok olsem dispela tupela sabjek eria long ol skul, em i daunbilo tru. Planti skul i nogat PE tisa i gat trening, o wampela tisa i gat save long tisim na strongim PE na spots.

Olsem na ol pikinini i no kisim stretpela skul. Ol i no lainim ol stretpela rot bilong bodi long muv, na save bilong ol kain kain spots pilai. Em nau, save bilong em long ol dispela samting long em long bihain, i save sot.

Edukesen Dipatmen i mas lukluk long sindaun nau na traim na stretim pastaim long ol arapela kantri i abrusim yumi. Ol hanmak i stap ples klia pinis. Mipela ken lukim ol long ai bilong yumi. Sapos gavman nau i no stretim kwik, hamas mani ol i tromoi long sanapim ol bikipela ol spot fasiliti, bai no inap kamapim senis.

Wanwan skul i mas i gat wampela PE tisa long lukautim spots ogeaisesen, antap long tisim sabjek. Dispela manmeri bai mas wok bung gut wantaim PNG Spots Faundesin na olgeta ol nesenel federesen. Olgeta provinsal hetkwata mas kamap namel bilong ol skul spots ogeaisesen na tisim PE long ol skul bilong ol. Olgeta provinsal edukesen opis i mas wok strong na sapotim ol skul bilong ol.

Olgeta skul inspekta, long ol raun bilong ol, i mas luksave long dispela tupela sabjek eria. Dispela tupela eria bai strongim skul bilong ol sumatin. Ol inspekta i mas go pas long strongim moa trening bilong ol PE tisa.

i kam long bek pes

Golo klab kisim sapot

Dispela yia Golo klab i putim het go na winim 4-pela pilai bilong ol na dro wampela pilai bilong na dispela mekim ol nau i lidim poin leda bilong PMSA.

Golo klab i kisim bikipela helpim long nupela yunifom i kam long Trophy Haus long

strongim klab bilong ol, na i no dispela tasol, Trophy Haus i helpim klab long mekim mani bilong klab na tu helpim long lukautim.

Trophy Haus i mekim olsem long Golo klab na laikim ol narapela klab long lukaut gut ol faines bilong klab bilong ol.



Digicel Sponsaim Spesol Olimpiks PNG

Spesol Olimpiks PNG kisim bikipela sapot i kam long Digicel PNG wantaim long K125,000. Dispela helpim bilong Digicel em bikipela long dispela yia long helpim ol

Spesol Olimpiks Etlis long go pilai long ovasis.

Presiden bilong SOPNG i tok tenkyu i go long Digicel long sapot bilong ol na dispela helpim bilong bai go long long-

pela rot. Em tok i gat bikipela luksave long ol dispela Spesol Olimpik Etlis taim ol statim long Semptemba 2012.

CEO bilong Digicel John Mangos i tok Digicel PNG i pi-

laim bikipela rol long mekim ol spots long PNG go bikipela na dispela helpim long Spesol Olimpiks em wampela bilong ol.

Poto na Stori: Nicky Bernard



Golo soka klab kisim sapot long Trophy Haus

Nicky Bernard i raitim

GOLO Soka klab em wan-pela long olpela klab insait long Pot Mosbi Soka Asosiesen(PMSA), dispela klab bin stat long 1980's na em kamapim sampela long ol gutpela pilaia bi-long PNG.

Golo klab em bilong liklik ples long Kamali long sait long Hula long Sentral Provins, ol save kam pilai long taun na bihain go bek long ples bilong ol.

Dispela kla bin kamapim sampela gut PNG pilaia long 80's tasol long leit long 1990

klab bin stop long kam pilai long taun long wanem ol sot long faines long kisim klab go kam long taun.

Long 2011 sampela ol olpela pilaia bilong klab i kisim bek klab na putim long PMSA na kirap bek nem bi-long klab Golo. Ol bin resis long Divisen wan bilong PMSA na winim fainol bilong ol.

PMSA i kisim Golo klab long 2012 na putim em go antap long Primia divisen, long dispela yia ol kam namba 4 long resis bilong PMSA.

Moa long Pes 27.

Johnston's Pharmacies Ltd

Bouncing net

Heinz baby food

Sensi baby nappies

Baby Products

P.O. Box 1066 Boroko
Phone: 325 3185, Fax: 325 0190
Email: sales@johnstons.com.pg